

सानसेयारि "बड'सा" खीरालाइयाव  
अमजयारि जिज्जों लोब्बा थानाय रायथाय, अन्थाय,  
अल, अल'बाथा आरु दावबायारि थावनि, पार्क  
बाइदिनि आयाव लिन्नाय लिन्निबां दैथाय हर।  
सानसेयारि "बड'सा" खीरालाइया खेबखानाबि  
फोसावगोन।

बड'सायाव लिन्नायवि हुदा खालाम,  
"बड'सा" खीरालाइया, जो बयबो आंगो खालाम।

सानसेयारि बड'सा मावखुलि

माइबं नोगार, जोहोलाव दैमालु लामा

कक्राझार, बिटिस-783370

Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Saturday ★ 5 June, 2021 Kokrajhar, BTC, Assam ★ Vol.- 31, Issue No. 70 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

## टंलायाव कभिडजों साग्लोबजानानै सानै फोरोंगिरिनि जिउ खहा

उदालगुरि, 4 जुन: उदालगुरि  
जिल्लानि सिडव थानाय टंला  
ओन्सोलनि सानै फोरोंगिरिफोरा  
कभिडजों साग्लोबजानानै जिउ  
गोमायो। टंलानि सानजा  
नलबारियाव थानाय अक्सफर्ड  
इलिस गाइड इन्स्टिटुटनि  
फोरोंगिरि रमेस स्वर्गीयारिआ  
कभिड-19 जों साग्लोबजानानै  
न'आवनो फाहामथाय लाबाय  
थानाय समनि गेजेरावनो थानाय  
बृहस्पतिवारखालि सोरांसि  
समाव जोबथा हां बोयो। 53  
(□ 5 बिलाइआव)

## गुबुन गोब्राव बेरामजों भुगिनांनय कभिड बेरामिफोरखौ ह'म क्वारेन्टाइननि गनायथि होनाय नडा: गिबि मन्थि

दिसपुर, 4 जुन: गिबि मन्थि  
डो हिमन्त बिश्व शर्माया दिने  
जनता भवनाव थानाय गिबि  
मन्थि मावख'नि सावराय  
न'भायाव खुंफुनाय मोनसे मेलाव  
सावसि बिफाननि  
बिबानगिरिफोरजों राज्योनि  
कभिडनि थासारिनि सायाव  
सावरायलायो। राज्योयाव  
थैनायनि हार आरो कभिड  
साग्लोबसारनायनि हारा खम  
जालानायनि फासं नोजर होना  
फैगौ माखासे सप्ताहनि गेजेराव  
थासारिया गाहामाव फेगोन



होनानै गिबि मन्थिया  
मिजिथिनाय फोरमायो। कभिड  
साग्लोबसारनायनि हार आरो  
थैनायनि हारखौ गोवां खम  
(□ 5 बिलाइआव)

## मानास माहारियारि पार्कआव बि टि चिनि गाहाय मावफुं सोद्रोमा प्रमद बर'आ दावबायहैदों



सालबारि, 4 जुन: बाक्सा  
जिल्लानि सिडव थानाय मानास  
माहारियारि पार्कआव दिने बि  
टि चिनि गाहाय मावफुं सोद्रोमा  
प्रमद बर'आ दावबायहैयो। बि  
टि चिनि गाहाय मावफुं  
सोद्रोमाया दावबायहैनां मानास  
मोसा बिथांखिनि बिथिडाव  
सामब्लायगिरि अमल शर्मा,  
पार्कनि औवाबारि मावख'नि

हाग्रा बिबानगिरि बाबुल ब्रह्म  
आरो गुबुन बिबानगिरि-  
मावफारियाफोरजों मोनसे मेल  
खुंफुडे। बे मेलाव बि टि चिनि  
गाहाय मावफुं सोद्रोमाया गाहायै  
माहारियारि पार्क आरो आबाद  
आयदाफोरनि सायाव  
सावरायलायो होनानै मिथिनो  
मोनाय जादों। खीरोंगिरिफोरनि  
मोमा-मोगि लानायाव मानास  
माहारियारि पार्क'जों  
नांजावफानाय बेकि देसायाव  
आयेन बेरेखायै अन्थाइ-बाला  
(□ 5 बिलाइआव)

## आजिरा मोन्नाय गाहाय फोरोंगिरि, समाज सिबियारि बलराम रायआ रूसारि जाबाय

बासुगाव, 4 जुन: आजिरा  
मोन्नाय गाहाय फोरोंगिरि,  
समाज सिबियारि बलराम  
रायआ दिने फुनि समाव जोबथा  
हां बोयो। कक्राझार जिल्लानि  
सालाकाति पुलिस आनाट  
पष्टनि सिडव थानाय  
काउनियाभाषा गामियाव  
जोनोम मोन्नाय बलराम राया  
दिने रूसारि जालाडे। चिरां  
जिल्लानि बासुगाव राजासारां  
गामिनि थागिबि आजिरा  
मोन्नाय फोरोंगिरि बलराम  
रायआ थानाय सप्ताहसे  
समनिफ्रायउ उदैनि बेरामजों  
साग्लोबजानानै दड'मोन। बेनि  
गेजेरावनो थानाय  
(□ 5 बिलाइआव)

## बि के डब्लिउ ए सिनि सि इ एमजों लोगोसे मावफुं सोद्रोमाफोरनो बिबान रानबाय

सिमन सापरि, 4 जुन: थानाय  
बोसोर 2020 माइथयनि 27  
जानुवारिखालि जालानाय बि टि  
आर गोरोबथानि गेजेरजों बि टि  
सिनि बायजोयाव थानाय  
आसामनि बर' फिसाफोरनि  
थाखाय रेखाथि, थामोन्था आरो  
जौगाथायनि थाखाय दानानै  
होनाय बर' कचारि वेलफेयार  
अट'नमास काउन्सिलनि  
सायख'जानाय बिबानगिरिफोरा  
थानाय 24 फेब्रुवारीखालि  
समायखिरा लादों मोनबलाबो



बिबानगिरिफोरनो बिफान रानाय  
हाबाफारिया आसाम बिधान  
सभा बिसायख'थिनि थाखाय  
आद्रा जानानै दंबोयोमोन।  
समायखिरा लाखानायनि 3  
दाननि उनाव दिने बि के डब्लिउ  
(□ 5 बिलाइआव)

## गिबि मन्थिआ पि डब्लिउ डि आरो गोजौसिन सोलेंथाय बिफाननि मावख'गिरिफोरजों मेल जथुमदों

सोलेंथायारि इनफ्रास्ट्रक्चर बिथांखिफोरखौ  
थावैनो मावफुंनयनि राहा लागोन: हिमन्त

दिसपुर, 4 जुन: गिबि मन्थिनि बिबान रुजुननायनि उनाव  
डो हिमन्त बिश्व शर्माआ दासादि रज्ज्यो सरकारनि गुबुन  
गुबुन बिफानफोरनि बिथांखिफोर मावफुंनय आरो मावनो  
लानाय बिथांखिफोरखौ लानानै बिफानारिफोरजों आलादा-  
आलादायै मेल जथुमबाय थानायखौ नुनो मोन्दों। बेनिनो  
बाहागो महैर दिनेबो गिबि मन्थि (□ 5 बिलाइआव)

## श्रिरामपुरआव गोवां बिबांनि बिलाथि जौ हमनो हादों



गसाइगाव, 4 जुन: आसामनि  
गेजेरजों थानाय 31 नं राजा  
लामाजों गोबाव समनिफ्रायनो  
आयेन बेरेखायै बिलाथि जौ  
लालाय-लाबोलाय खालामनाय  
सोलिबाय थानाय समावनो दिने  
हरखाबै गंसे कन्टेइनर  
गारिनिफ्राय सिमलतापु पुलिस  
हान्जाया एन एल 01 किउ-  
1691 नम्बरनि गारिनिफ्राय गासै  
मोन 325 कार्टुननि बिलाथि  
जौखौ हमनो हायो। हमनो  
मोन्नाय जौनि कार्टुनफोरखौ  
अरुणाचलनिफ्राय सोनाब बंग  
(□ 5 बिलाइआव)

## एम एल ए जयन्त बसुमतारिआ लंकार दैसायाव बल्डार डिपेक्सन बेखेवदों

चिरां, 4 जुन: आसामनि गुबुन  
गुबुन जिल्लाफोरजों लोगोसे  
चिरां जिल्लायावबो  
बोसोरफोरमबो दैज्जलं बोथोरनि  
समाव दै बाना सोमजिनय आरो  
हा खुरखानाय बायदि  
मिथिगायारि खेफोदजों रोजा-  
रोजा सुबुंफोरा मोगा-मोगि  
जानाडे। चिरां जिल्लानि गेजेरजों  
भुटान राइज्योनिफ्राय  
बोहैखलायबोनाय गोवां दैमा-



दैसाफोर दैज्जलं बोथोरनि समाव  
गिथाव महैर देखोनानै लोमसाव  
फैनायाव गोवां राइजो-रजाफोर  
हालाय-हाफाय जानाडे आरो

## बे बोसोरावबो खुंजानाय नंला अम्बुबासि मेलाया

गुवाहाटी, 4 जुन: आसामनि मोनसे मुंदांखा  
जादिमिनारि अम्बुबासि मेलाया करना  
भाइरासनि जाहोनाव बे बोसोरावबो खुंजानाय  
मिरु खालामनानै कामाख्या देवलया सामलाय  
आफादआ बे बोसोरावबो कामाख्या मन्दिराव  
अम्बुबासि मेलाखौ खुडेनि थांखि लानाय  
जाबाय। अदेबानि लान्थियै नैथि बोसोर बे  
अम्बुबासि मेलाखौ कामाख्या मन्दिराव खुंजाय  
जानाय नंला। (□ 5 बिलाइआव)

न'-बां हा खुरखा जानानै  
गोबाडनो थानो थाखाय जायगा  
गोमाजानायनि गोवां फोरमानबो  
दं। बेखो नोजर बोनानै देगलायनि  
दैज्जलं बोथोरनि समाव दै बाना  
सोमजिनयनिफ्राय राइजो-  
राजाफोरखौ रेखाथि होनाय  
बायदि रहा लानो दैज्जलं बोथोरनि  
सिगांनो सरकार खामानि मावनो  
सिगांनो। बिदिथि महैर चिरां  
जिल्लानि आमेतेका बाजारनि  
साखाथिजों भुटान राइज्योनिफ्राय  
बोहैखलाय बोनाय लंकार  
दैसायावो बोसोरफोरमबो दैज्जलं  
बोथोरनि समाव गोवां राइजो-  
राजाफोरखौ जंजायाव  
खोखलै बोदों। बेखौ बिथा  
खालामनानै बे लंकार  
दैसांनिफ्राय सोमजिनय दै  
(□ 5 बिलाइआव)

## बडइगावआव 24 लाख रां बेसेननि आयेन बेरेखा बार्मिज सुपारि हमदों

बिजनी, 4 जुन: कौटि कौटि  
रांनि खाजिना थ'गायनानै  
बार्मिज सुपारिनि आयेन बेरेखा  
फालांगिया सोलिगासिनो।  
नाथाय आसामाव गोदान  
सरकार दानायनि उरनिफ्राय  
पुलिस बिफाना सांघ्रां जादों  
जाहाते खाजिना थ'गायनानै  
खेखि जाया रोखोमनि फालांगि  
खालामनो हाया। थानाय  
माखासे साननिफ्राय आसाम  
पुलिसनि जरखायै चिरां आरो  
बडइगाव पुलिसआ बार्मिज  
सुपारिनि हँथायै सांघ्रां जानायखौ



नुनो मोनदों। दिने बडइगावनि  
सोनाब गेरुकाबारियाव  
पुलिसनि मोनसे सांगालि सुलुनि  
बिथायाव मोनसे सिग्रोमनाय  
हाबाफारि लायो। बे सिग्रोमनाय  
हाबाफारिनि गेजेरजों सोनाब  
गेरुकाबारि ओन्सोलनि साहादत  
(□ 5 बिलाइआव)

## बि टि चिनि 8 नं जमदुवार बियाबाव 4 कौटि 83 लाख रांनि दौथाम लामा लुफुंथायनि खामानिखौ जागायजेनदों

गसाइगाव, 4 जुन: गसाइगाव  
महकुमानि 4 नं जमदुवार बियाबनि  
सिडव दिने दौथाम लामा  
लुफुंनयनि थाखाय आलादा-  
आलादायै बि टि आर नि मावफुं  
सोद्रोमा रेव रेवा नार्जीहारिआ रिब'न  
हास'नानै लामाखौ बेखेवना  
होयो। मख'नो गोनांदि राज्यो  
सरकारनि गुड उडल बिथांखिनि  
आवथायाव समदासगुरि एल पि



फरायसालिनिफ्राय जिथागुरि  
हाथायनि 1.15 किल'मितार लामा,  
पानबारिनि ब्रह्म मन्दिरनिफ्राय  
मालागुरिसिम गासै 1.5 किल'मितार  
लामा आरो श्रिरामपुरनिफ्राय जारागुरि,  
गकुलकाता जानानै दावागुरिसिम  
थानाय 2.9 किल'मितार लामा आरो  
कालभार्त बानायनाय खामानिखौ  
दिनेनिफ्राय बेखेवनाहोयो मानगोनां  
मावफुं (□ 5 बिलाइआव)

# सुजुगिरिनि खोलोम

॥ ना-हांसो-दाव फिसिनानै गोबां रां खामायनो हायो, एफा-एनै रां फैनयाबो सैथो ॥

**आ**बादयानो बर'फोरनि थाना थानायनि गिबि आरो गुदि फुंखा। आबादिन अनगा सदा-बुसा मावदामब्लाग्रा गामियारि बर'फ्रा गुबुन माबा मोनसे मुलाम्फायारि गोनां खामानि दामानि मावनानै रांखास्थियारि बिथा फसंथानो आरो आबादखौनो गुबे राहा हिसाबै लायोब्लाबो गोनोखोयारि आदोबजो आवगायनो हाद्रायाखे। अब्लाबो बुंनंगोन बर'फ्राबो आधिकालाव-फालांगिरि,मोजा आबादारि दसै। फालांगिरिफोरनि बाश्राखौ राखाडबालानो मिथिंगायारि फुंखानिफ्राय मोन्नाय माखासे खाबु आरो देहानि बोलो बाहायनानै मावसोमनायनि गेजेरजो गामियारि रांखास्थिखौबो गुस्तायनाय लाबोनो हासै। मुलाम्फायारि जानो राहा दसै। बेफोरनि गेजेराव ना आरो हांसो-दाव फिसिनायाबो मोनसे। गुबैथै ना आरो हांसो-दाव फिसिनानि मोजां समानो जादो दैज्जां बोथोर। दैज्जां बोथोर सौंफैब्लानो गामि ओन्सोलनि गोबां हाखर-हाला, गरखाय-दंगफ्रा अखानि दैजो दानब्रै-दानबासिम आबुं लोमनानै थयो। बेफोर एरैनो गोलैसनानै थानाय हाखर-हालाफ्राव समबाय हिसाबै एबा गायारि हिसाबै बोथोरवोनो ना फिसिनो हागौ। ना-जो लोगोसे जावजा आबाद हिसाबै हांसो फालोबो फिसिनानि राहा खालामनो हायोब्ला रांखास्थियारि फुंखाखौ एसे एनै बांहोनानि मिजिं खालामनो हागौ। दैज्जां बोथोरव थि बेंखनथानि गेजेराव दोनानै हांसो फिसिनो लायोब्ला देयाव थाल्दाना-साम-खांखाइ, गुमा, बायदिसिना एम्फा-एनलाफोरखौनो गोजोम-गोजोम जानानै थानो मोजा मोनो हांसोया। जाउनाव गोबां आदारनि गोनांथि जाया। बिबिन्डो हाखर-हालानि फोसाब्लाडेहाग्रा-बंग्रा, दाखोर-दालाफ्राबो ना फिसिनायाव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौ जानानै फैया। मानो होनोब्ला बेफोरव नानि थाखाय गोबां आदार ज' जानानै थाखायो। बेखायनो बेफोरखौ सिगां नोजोर थिग्रोनानै मोजां आरो गोगो जोलैनि ना फुवान आरो हांसो जोलै ज' गायनानै फिसिनानि बे गोलै राहाजो बाडाइ खरसा आरो बाडाइ समनि गेजेरावनो गरफा-गरनै खामायनानि लामा ओंखारो। गोलै दिखुरा हांसो फिसानि थाखाय ना फिसिनाय बादिनो सोरगिदि जेवरानि गेजेराव सम आरो बाइजोयावबो सम लानानै हगारलाय-थिसनलाय खालामना होनानि राहा लायोब्ला गोखे देरनो बोलो मोनो। आधिकाल ना-बेदरनि साहिदा बानाय आरो बारायलाबनाय बेसेनखौ नोजोर होनानै ना-हांसो फिसिनानिबो रांखास्थियारि बिथिडे गोखौ जानो हायैनि बाश्रा फैया। नाथाय बेफोर आबादजो गोबां मुलाम्फा जायैआ सैथो, नाथाय बेकारफोरनि थाखाय साखि-बाखि जासानि आखायनि खरसा फैनयाबो सैथो।

आधिकालाव रोजा-रोजा बेकारफोरखौ सरकारि मावफारिया थिसनानै जेनाखौ सुफुंनंगोया गोब्राव होनानै नुहरखानाय। बे बिथिडे-सरकारि मावफारियाखौल' नेनानै थास्लायसाय बाडाइ सम आरो एसेल' खरसाजो गोलै गोलै बिथिखि लानानै रां खामायनानि राहा लानानै सरकारि अनसुंथाय मोन्नायनिबो सरकारि मावफारिया, बिबानगिरिफोरजो सोमोन्दो लाखिनाया गोनांसै।

## दिनेनि फानजायुधि

राशि बाइदियै मुनि गिबि हांखो		
मेष : अ ल	वृष : ऊ ब (उ ए इ)	मिथुन : क छ (ङ घ)
कर्कट : ड ह	सिंह : म ट	कन्या : प ठ (ण ष)
तुला : त र	वृश्चिक : ब न	धनु : ध भ (ढ़ फ)
मकर : ख ज	कुम्भ : ग श (स)	मीन : द च (ख ज झ)
<b>मेष:</b> माबा मोनसे दोहन हानि जानो हागौ। जैरिथिबो सांग्रा जानांगोन।	<b>वृष:</b> बेफार-फालांगि मावनयाव रां बुधुमनानै लानो हागोन। दिनेनि साना मोजां।	<b>मिथुन:</b> सरकारनि साखि मावग्रानि थाखाय गाहाम सान। मासिया जौगाखांगोन। गोजोनाय मोनगोन।
<b>कर्कट:</b> धोराम गैथै आखल-आखुनि जानो हागौ। गोसो हमथानानै सोलिनांगोन। जेनायाव गोग्लैनो हागौ।	<b>सिंह:</b> बादायलायनायाव जेन्नो हागौ। सांग्रा जानानै बादायनांगोन।	<b>कन्या:</b> जेना-जैसि गैथै गोजोने थानो हागोन। फारफ्रोमथिबो मोजां।
<b>तुला:</b> मोजां हाबा मावलानो हानायनि बयजोबो सम्मान होजानो मोनगोन। गोसोखौ गोजोन मोनगोन।	<b>वृश्चिक:</b> बिमा-बिफाया फिसानि थाखाय नोजोर लाखिनांगोन। आन्जादआव उथिनो हायै जानो हागौ।	<b>धनु:</b> लामा हास्थिनाय समाव सौदावलाबायनो हागौ। जेथिबो नोजोर होनानै सांग्रा जानांगोन।
<b>मकर:</b> दिनेनि दिनाव साहस खालामनानै नाजाथाबोब्ला देरहासार जानो हागोन।	<b>कुम्भ:</b> जेखि मावा फालांगिवा खहाफोर जानो हागौ। गोसो हमथानानै मावनगोन।	<b>मीन:</b> रावजोबो जेना गैथै सास्थिथै थानो हागोन। गोजोनायजो समखौ हगार हरनो हागोन। मोजां दिन।

# मरिशासन बरग' गाहाय मन्थि अनिरुद्धआ रुंसारि जाबाय

गाहाय मन्थि आरो गुबुन हादतयारि मन्थि एस जयशंकरआ दुखु मोन्नाय फोरमायदो

**गोदान दिल्ली, 4 जुन :** मरिशासन बरग' गाहाय मन्थि अनिरुद्ध जगन्नाथआ 91 बोसोर बोसोआव 3 जुनखालि रुंसारि जायो। अनिरुद्ध जगन्नाथआ मरिशासन गाहाय मन्थि आरो हादतगिरिबो जाखांबायमोन। जगन्नाथनि रुंसारि जानायाव गाहाय मन्थि आरो गुबुन हादतयारि मन्थि एस जयशंकरआ दुखु मोन्नाय फोरमायदो। गाहाय मन्थिया टुइटाव लिरदो, अनिरुद्ध जगन्नाथनि सायाव गौरब मोनखाडो, बिथाडा दरनै हादतनि मोजां सोमोन्दो दानायाव मदत खालामदो जायजो बेनि हादतआ मुलाम्फा मोनगोन। गुबुन हादतयारि मन्थि जयशंकरआबो बुडोदि,



मरिशासन बरग' गाहाय मन्थि आरो हादतगिरिनि रुंसारि जानायनि खौरांखौ खोनानानै गोथौ दुखु मोन्दो। बियो सासे गोखौ दैनेगिरिजो लोगोसे

भारतनि मोजां लोगोबोमोन। मन्थि जयशंकरआ जगन्नाथजो गावनि लोगो हमनायखौबो गोसोखांदो। अनिरुद्ध जगन्नाथनि रुंसारि जानाया हिन्दी रावनि अनफावरिफोरनि थाखाय गिदिर 'ख'हा। भारत आरो हिन्दी रावनि मोजां

मोन्नायनि थाखाय सिनायथिजानाय अनिरुद्ध जगन्नाथनो गिबि गुबुन हादतआव थाहैनाय भारतीय बान्थाजो सम्मान होनाय जादोमोन। गाहाय मन्थि प्रबिन्द जगन्नाथनि बिफा अनिरुद्ध जगन्नाथनि बिफामोनहा

आगुआव उत्तर प्रदेशनि बनियानिफ्राय मरिशासआव थारोमोन। बिसोरो बलिया जिल्लानि केरसड़ा थानानि बेंखन्थायाव थानाय अटिलपुरा गामिनि थागिबिमोन। बिनि बिफा बिदेशी यादब आरो बिबथै झुलइ यादबखौ इराज खुंथायाव 1873 आव लेबार महैर खुसेर आबादिन थाखाय जाहाजजो मरिशासआव दैथायहरदोमोन। आधिकालाव बे नख'रखौ मरिशासनि बयनिखुइबो मुंदांखा राजखास्थियारि नख'र महैर मिथिजायो। जगन्नाथनि जुलिया सर'जिनी बल्लजो 18 डिसेम्बर 1957 आव जादोमोन। बिहा सानै फिसाफोर दं। सासेनि मुंआ प्रबिन्द आरो फिसाजोनि मुंआ शालिनी। बेनि फिसाज्ला प्रबिन्दआ मिलिटेन्ट समाजबाती सोमावसारनायनि दैनेगिरि

जगन्नाथ मरिशासआव मुभमेन्ट सशेलिस्ट मिलिटेन्ट पार्टिनि दैनेगिरिमोन। बियो आइएफबि बिजाथि महैर गिबि खेब 1963 आव संसदआ सायख 'जादोमोन। बेनि उनाव 1965 आव मरिशास हिन्दु कंग्रेसनि सोद्रोमा जायो। 1965-66 आव शिबसागर रामगुलामनि सरकाराव बियो जौगाखां राइज्यो मन्थि जादोमोन आरो नबेम्बर 1966 आव बियो लेबार मन्थिबो जादोमोन। जगन्नाथआ 1970 आव भुममेन्ट मिलिटेन्ट मरिसिपनआव बाहागो लायो आरो बे हान्जानिफ्रायनो बियो दैनेगिरि जायो। 1976 आव बिसायख 'थि बादायनायाव देरहानानै बियो बेरेखा दोलोनि दैनेगिरिबो जादोमोन। 1982 आव जगन्नाथआ बिसायख 'थियाव गिदिर देरहासानानै गाहाय मन्थिबो जादोमोन।

## एयार इन्डिया, इन्डिग' आरो बिस्तारा एयारलाइननि सा 17 पाइलटफोरा जिउ गोमादो



**गोदान दिल्ली, 4 जुन :** बावैसो समाव जेबनानै थानाय मे दानाव करना इनफेक्सन सन्देरनानै एयार इन्डिया, इन्डिग आरो बिस्तारा एयारलाइननि गासै सा 17 पाइलटफोरा जिउ गोमायो। सुलुनि बादिब्ला, इन्डिग'नि सा 10 आरो बिस्तारानि सानै पाइलटफोरनि जिउ गोमायो। इयार इन्डियानि बादिब्ला, बेनि सा 5 गागि पाइलटफोरा करनजो गाग्लोबजानानै जिउ गोमायो। बेयाव केपेन हर्ष तिवारी, केपेन जी पिएस गिल, केपेन प्रसाद कर्माकर, केपेन सन्दीप राणा आरो केपेन अमिदेश प्रसादआबो दंफाखौ, इन्डिग'आ बुडोदि, गासै 35 रोजा गुन गोनां मावसुमाफोरनि ड्रपखौ होनाय जाबाय। इन्फेक्सननि गिबि दोहोआव इन्डिग'नि माखासे पाइलटफोरा इनफेक्सन जादोमोन आरो नैथि दोहोआव सा 45 पाइलटफोरा इनफेक्सन जादो। बिस्तारा आरो एयार एशिया इन्डिया बायदि गावआरि उरां जाहाज कम्पानिफोरा दासिमाव गावनि 99 आरो 76 जौखोन्दो गुन गोनां मावसुमाफोरनो भेक्सननि गिबि ड्रपखौ होखांबाय। बेनि गेजेराव एयार इन्डियाआ भेक्सन मोन्नायाव गोब्राव जानायनि जाहोनाव 15 मेनिफ्रायनो गावनि मावसुमाफोरनो भेक्सन शुनो जागायदो।

## इज्राइलनि बेरेखायै थांखि लानायाव बाहागो लायैनि फेलेस्टिननि बाश्रा बुंनायखौ भारतआ गोखौ फिन होदो

**गोदान दिल्ली, 4 जुन:** इउ एन सुबुं मोन्थाय पारिषदआव इज्राइलनि बेरेखायै भट होनायाव जानगार जाना थानाय बाश्रानि सायाव भारतआ फेलेस्टिननो गोखौ फिन होदो। गुबुन हाजतारि मन्थि आ बुंदोदि, भारतआ सिगाडवबो बे बायदि बबेबा दरसे हादतनि बेरेखा अजद होनायनि जानगाराव थारो। फेलेस्टिननि गुबुन हादतारि मन्थि रियाद अला मालिकीनो फिन होनानै मावख'आ बुडोदि, भारतआ मोनसे रोखोमै बे नेमखास्थियाव खामानि मावबोदोदि, बेयो बबेबा दरसे हादतनि बेरेखायै इउ एन एड्च आर सिनि भर्तिनिफ्राय जानगाराव थागोन। बे केसआव थानाय सानफोरवबो श्रीलंकानि बेरेखायै जानाय भट होनायाव भारतनि बाहागो लायैखौ बिदिन्थि होनाय जादो। थानाय सप्ताहयाव गजा पट्टीआव इज्राइलनि फारसेनिफ्राय गाग्लोबनायखौ सुबुं मोन्थायनि आयेन बेरेखा होना बुंनानै इउ




एन एड्च आर सिआव आरजलाइ गथायदोमोन। बे भट होनायनिफ्रायबो दर 14 हादतफोरा बाहागो लायाखैमोन, जेराव भारतआबो दंमोन। भारतआ बे थांखिनि सायाव जेबो बिबुंथि

होयाखैमोन, नाथाय सोलोयारि हेफाजाब होनाय बादि लाबोनाय बिथिखिबो सा 47 सोद्रोमानि कमिटीनि सा 24 आ इहदी हादतनि बेरेखायै भट होदो। बेनि अनगायै सा 9 सोद्रोमाया इज्राइलखौ मदत

होदो आरो भारतजो लोगोसे दर 14 हादतफोरा बेयाव बाहागो लायाखै। बेयाव बाहागो लायै हादतफोरनि गेजेराव भारतजो लोगोसे इटाली, डेनमार्क, जापान, फ्रान्स, खोला करिया, इज्केन, नेपालआबो दंफायो। बेयाव बाहागो लायैनि थाखाय भारतखौ रागा जौनाय फोरमायदोमोन आरो गुबुन हादतारि मन्थि रियाद अल मलिकीआ नख'र मन्थि एस जयशंकरनो लाइजाम हरनानै बुंदोदि, भारतआ इज्राइलनि बेरेखायै बिथांखियाव भट होनायाव बाहागो लायालासेनो मोनसे गिदिर खाबुखौ खोमाना लादो।

## पिएम मदिखौ बुथारनो हुमखि होग्राखौ दिल्ली पुलिसआ हमबाय

**गोदान दिल्ली, 4 जुन:** गाहाय मन्थि नरेन्द्र मदिखौ बुथारनो हुमखि होग्रा सुबुंखौ दिल्ली पुलिसआ हमबाय। सुलुडव फोरमायनाय बादिब्ला, थानाय हरव सलमान मुनि सुबुडा पुलिसनो कल खालामनानै पिएम मदिखौ बुथारनो हुमखि होदोमोन। बेनि गेजेरजो 22 बोसोर बैसोनि दायनिगिरिखौ दिल्लीनि खजुरि खास थानानि पुलिसआ हमो आरो बिनाव दिल्ली पुलिसनि सिनियर अफिसारआ जेरा सेबगासिनो थारो। सेबनानै मिथिनो मोन्नाय बादिब्ला, बिनि हेथायै थानायाव सिगांनिफ्रायनो केस थिसननाय जादो आरो बेलआव जेलनिफ्राय बाइजोआव फे दौं। दायनिगिरिआ जगायजेन्नाय जेरा सेबनायाव फोरमायोदि,




बियो जेलआव थानो थाखाय कल खालामदोमोन। मख'नो गोनांदि, थानाय बोसोरनि नभेम्बरआवबो सासे सुबुडा दिल्ली पुलिसनो फन खालामनानै गाहाय मन्थि नरेन्द्र मदिखौ बुथारनो हुमखि होदोमोन। बेनि उनाव पुलिसआ

दायनिगिरिखौ दिल्लीनिफ्राय हमदोमोन। बिखौ हमनायनि उनाव पुलिसआ मिथिनो मोनोदि, बे सुबुडा जौ फेनायमोन आरो निसायाव थानाय समावनो बियो पुलिसनो कल खालामदोमोन।

## आमेरिकाया एस्ट्रुजेनेका, नवाभेक्स, सनफीनि करना भेक्सननि सायाव रैखाथि दिहुन्थाय बिथोनमा रेटिखौ बोखारना होसिगोन

**वाशिंग्टन, 4 जुन:** आमेरिकाया एस्ट्रुजेनेका, नवाभेक्स, सनफीनि करना भेक्सननिफ्राय रैखाथि दिहुन्थाय बिथोनमा रेटिखौ बोखारना होनो नागिरबाय। हवाइट हाउस कभिड-19 रेस्पन्स क-अर्दिनेटर जेफ जेन्ट्यसआ बृहस्पतिबावबे खेखे मिथिहोयो। आमेरिकानि सरकार एस्ट्रुजेनेका, नवाभेक्स आरो सनफीनिफ्राय मोन्थाम गनायथि मोनै भेक्सननि थाखाय रैखाथि दिहुन्थाय बिथोनमानि गिबि रेटिखौ बोखारना होनो नागिरदो मानोना आमेरिकाया गावनि भेक्सन जगायना होनायखौ लानानै फुरयैनो दुखु जादो। बियो बुंदो, डि पि ए रेटिआ बे बानायफोरखौ आमेरिकानि दिहुन्थायफोरनि बेसेनाव भेक्सन बानायनायनि जगायना होनायसिम गिबिसिनि हाबाफारि मावो। हवाइट हाउस कभिड-19 रेस्पन्स क-अर्दिनेटरआ बेखौबो बुंदोदि, हवाइट हाउस ब्रीफिनि समाव आमेरिकाया गोलोम बोथोरनि



दानफोराव उफ्रा ड्रप दान होनायखौ सोलिहोबाय थागोन मानोना जगायना होनायखौ मोनो हायो। जिडन्सआ ग्लेबल भेक्सन जगायना होनो नाजानाय सामलायनायग्रानि बिबानगिरि आरो माहारियारि रैखाथि परिषद आरो राइज्यो बिफानजो लोगोसे हाबा मावदो। कभिड-19 इनफेक्सननि गेजेराव आमेरिकाया गोबां करनानि गोहोम गोग्लैनाय आरो भातजो लोगोसे गात्रियै इनफेक्सनजो गोहोम गोग्लैनाय हादतफोरनि गोनांथि जानायफोरखौ फुरा खालामनो थाखाय मुतुगनं थाखायाव 25

मिलियन कभिड-19 भेक्सनफोरनि गिबि किस्टिखौ जगायना होनो थियारि। 80 मिलियन भेक्सनखौ रान्ना होनायनि थाखाय थांखिखौ शेयार खालामनानै हवाइट हाउसनि प्रेस फिन होनायाव बुंनाय जादोदि, भेक्सननि 75 जौखोन्दो बाहागोखौ कभेक्सननि गेजेरजो होनाय जागोन आरो 25 जौखोन्दोखौ इमार्जेन्सिनि थाखाय आरो मुतुगनाइ मदत होनायाव बाहायनाय जागोन। बेनि सायाव आमेरिकाया गावनि नेमखास्थि रोखायै मुतुगनो फोरमायदो।

# 12 थाखोनि फरायसाफोरनि थाखाय लाइफटाइम एसिभमेन्ट बादि जादों, गाहाय मन्थि मदिजों लोगोसे जथुम्मा खुनानै सावरायबाय

गोदान दिल्ली, 4 जुन : 12 थाखोनि आन्जादखौ दोन्थ 'नायनि उनाव गासिबो फरायसाफोर आरो बिसोरनि बिमा-बिफाफोराने बे बाश्राखौ लानानै जिगा सिदों मोनदि बिसोरनि इयुननि एजुकेसननि थाखाय आरो एडमिसननि थाखाय मा प्रसेस लागोन। बेनि अनगायै मोनसे जिगा सिनाया बे मोनदि, जोबथार नायाव आन्जादखौ दोन्थ 'नायनि उनाव फरायसाफोरानो 12 थाखोनि नम्बरखौ माबेखौ बिथा खालामनायनि सायाव थि खालामना होनाय जागोन। जे साननिफ्राय मिरु सरकारआ करना इनफेक्सनखौ नोजोर होनाय 12 थाखोनि आन्जादखौ दोन्थ 'ने थांखि लादोंमोन, बै समनिफ्रायनो गाजेनफोरा जिगा सिदोंमोन। मानोना बिसोरो गावसोरनि गथ 'फोरनि इयुनखौ सानदोंमोन। गाहाय मन्थि नरेन्द्र मदिआ बिसोरनि सिगाडाव




बावगारनो हायै सोमजिदों। गाहाय मन्थि मदिनि बे सेशनयाव फरायसाफोरजों लोगोसे माखासे बिमा-बिफाफोरो गावसोरनि बाश्राखौ बुंदों। बे समाव गाहाय मन्थि मदिआ धैज्य ह मनानै

फरायसाफोरनि बाश्राखौ खोनासंनो आरो आन्जाद दोन्थ 'नायनि सायाव बिनि बाश्रा बुनायखौबो खोनासंदों। थांयाव मंगलबाराव सरकारआ करना इनफेक्सनखौ नोजोर

होनायै बेखौ दोन्थ 'नो थांखि लायो। 12 थाखोनि रिजाल्टखौ लानानै फरायसाफोरनि जिगा सिनायखौ जानगार खालामनाय गाहाय मन्थि मदिआ बुंदों, सिबिएसइआ मोनसे थि समनि गेजेराव रिजाल्टखौ थियारि खालामगोन। बेनि थाखाय गासिबो हाबाफारिखौ थि खालामनाय जाबाय। गाहाय मन्थि मदिआ मोनसे थि समनि बुंदों बेबादि थांखिखौ फरायसाफोरनि हितखौ नोजोर होनायै लानाय जादों। नाथाय बेनि सिगां आन्जाद खुनायखौ लानानै थांखि लानाय जादोंमोन। नाथाय हादतयावो बेनि सोमोन्दै इनपुट मोन्दोंमोन, जायनि उनाव आन्जादखौ दोन्थ 'नो थांखि लानाय जायो। सि बि एस इनि उनाव आइ एस सिआबो 12 थाखोनि आन्जादखौ दोन्थ 'दोंमोन □

गोदान दिल्ली, 4 जुन : करनायाव मुलुगनि माखासे हादतफोराव अक्सिजेन बिहरनाया बारायबाय। 2021 नि एप्रिल मेनि अन्जिमानि बाश्रा बुडेव्ला, भारतआव मेडिकेल अक्सिजेननि बिहरनाया 2 गुननिखुइ बांसिनाव सौहैबाय। नाथाय करनानि नैथि दोहोआ खाथि-खालानि हादतफोरावबो अक्सिजेननि दाबिखौ माखासे गुन बांहोदोंमोन, बे अन्जिमाया भारतनिखुइबो बांसिनमोन। जर 'खायै नेपाल, श्रीलंका, आफ गानिस्तान आरो भियेतनामआव अक्सिजेननि दाबिनाय जौखोन्दोयाव गोबां बाडे। गभारी ब्रीद काउन्ट आरो दा बिउर इनभेस्टि गेटि भ जानांलज्मनि बायदिब्ला, भारतआ बे दानैनि गेजेराव करना इनफेक्सननि गोहोमा जौसिन थाखोयाव सौहैदोंमोन। मानोना बे दानैया देहा फाहामसालि आरो न'फोरार



गोबां बिबांनि जिउ रैखा खालामग्रा गेसखौ बाहायो। नाथाय लासै लासै गुबुन हादतफोरावबो करनानि केसआ बारायो आरो बेयावबो मेडिकेल अक्सिजेननि डिमान्डआ बारायो। मेडिकेल अक्सिजेननि दाबिनायाव बयनिखुइ नेपाल आरो श्रीलंकायाव बांदों, जेराव 705 आरो 441 जौखोन्दो। बेरा फासै भारतआव मेडिकेल अक्सिजेननि दाबिनाया 118 जौखोन्दो बांदों। अदेबानि अक्सिजेन बिहरनाया आफ गानिस्तानआव 154 जौखोन्दो, मालयेसियाआव 99 जौखोन्दो, थाइलेन्डयाव 149 जौखोन्दो भियेतनामआव 457 जौखोन्दो आरो कम्बडियाआव 127 बांदों। नायबिजिगिरिफोरा सिगाडावनो करना भाइरासनि फाहामथायनि थाखाय अक्सिजेननि गोनांथि जागोन होनायै फोरमायदोंमोन आरो दाबिनायाव जौगाखांयायिनबो सांग्रांथि होदोंमोन। दा बियर इन्भेस्टिगेटिभ जानांलज्मआबो गावनि रिपर्टिआव बे बाश्राखौ बुंदोंमोन। रिपर्टिनि बायदिब्ला, जेव्ला हादतआव अक्सिजेननि दाबि देखानाया बाडे अब्ला भारतआ गुबुन हादतआव दैथाय हरनायनि सायाव होबथायो। बेनि गोहोमा न'सुसे हादतफोरनि सायाव गोलेदों जाय अक्सिजेननि थाखाय भारतनि सायाव सोनारोमोन □

## चीन हादरआ मुलुगनो अन्सुंथाय हरनांगोन, बुहान लेबनिफ्रायनो करना भाइरासा ओंखारदों : ट्राम्प



वासिंठन, 4 जुन : आमेरिकानि बारग' हादतगिरि डनाल्ड ट्राम्पआ कभिड 19 इन्फेक्सननि थाखाय चीनखौनो दायनिगिरि होनायै बुंदोंमोन आरो बेखौ चीनी भाइरास होन्नाबो मुंख'दोंमोन। आथिखालाव बयबो सुबु'फोरा आरो सुथुरफोरखो बुंनो हमावयदि

बुहान लेबनिफ्रायनो करना भाइरासा ओंखारनो होनाय हादतगिरि ट्राम्पनि बुनाय बाश्राया सैथोमोन होनायै बयबो सुबु'फोरा बुंजाय आरो बे इन्फेक्सनजों थैनायफोर आरो बेनिफ्राय जानाय ख 'हाखौ सुफु'नायनि थाखाय चीनआ आमेरिका आरो मुलुगनो 10 ट्रिलियन हरनांगौ होनायै

ट्राम्पआ बुंदों। बृहस्पतिबाराव इन्फेक्सननि थाखाय चीननि सायाव फिन खनसेबाव रागा जौनायखौ फोरमायनायै बारग' हादतगिरिया बुंदोंदि गावनि आयुनि बराक अबामा खुंथायानो जेना गोनां जादों आरो बुहान इनस्टिटुट अफ बायल 'जिनि थाखाय रंखान्थि पान्डिं हरदों। उनाव बै फान्डिं खौ थाबैनो बन्द खालामनाय जायो। इन्फेक्सन गोसार जेनायनि एसे उनावनो चीनजों आमेरिकाया गावनि सिमाखौ बन्द खालामदोंमोन, जायखौ इन्फेक्सन बेरामनि जरखा डाक्टर फसीया अजदबो होदोंमोन। मख 'जाथावदि, 2019 नि जोबथायाव चीननि बुहानआव नभेल करना भाइरास इन्फेक्सननि गिबि केस मोन्दोंमोन जायनि 2-3 दाननि गेजेरावनो गासै मुलुगखौनो गावनि बे'खनथायाव लादोंमोन □

## गाहाय मन्थि मदिआ सि एस आइ आर ससाइटिजों सावरायज्जायदों

गोदान दिल्ली, 4 जुन: गाहाय मन्थि नरेन्द्र मदिआ दिने शकुबारखालि सि एस आइ आर ससाइटिनि मोनसे जथुम्माखौ सामलायदों। पि एम मदिआ बिडिअ कन्फरेन्सनि गेजेरजों जथुम्मायाव बाहागो लादों। बे सावरायनाय फु'नि 11.00 रिगायाव जादों। सावरायनाय जथुम्मायाव मिरु सावस्त्रि मन्थि डो हर्षबर्धनजों लोगोसे गोजौ सारिनि बिगियानगिरि, उद्यगनि बिगोमा आरो गोजौ बिबान गोनां दैदानगिरिफोर बाहागो लायो। सि एस आइ आर ससाइटिआ बिगियान आरो टेकन'लजि मावख 'नि खामानि मावग्रा सायेन्स आरो इन्डस्ट्रियेल रिसार्च वारिकि बिफाननि बाहागो। खौरंगिरिनि रिपर्टि बादिब्ला ससाइटिनि हाबाफारिखौ भारतनि सिखव थायाव गं 37 लेब्रेट्री आरो गं आउटरीच मिरुफोरनि जौहै सामलायनाय जायो। गाहाय मन्थि मावख 'निफ्राय मिथिहोनाय बायदिब्ला ससाइटिनि जथुम्मा



बोसोफ्रोमबो खुंजाबोदों। गाहाय मन्थि मदिआ सावरायनायनि गेजेरजों बिगियानगिरिफोरनिमिम गोजेरनाय फोरमायदों आरो करनानि दुहाव थासारियाव खम समनि गेजेरावनो हादतनि बिगियानगिरिफोर मुलि दिहुना हादतखौ रैखाथि होनायनि

साबायखर होदों। बिथाड बुंदों भारतआ गंसे गावनि आथियाव गंसथानाय हादत। हादतआव जौगाथानाय आरो दिदोम थासारि लाबेनो थाखाय बिगियानगिरिफोर गोदान मुलि आरो अक्सिजेन दिहुनायखौ बारयनो नाय-नाथा नाजादों। □

## इउ जि सिआ सा 7 फेलशिपनि समाय सिमाखौ बांहोदों

गोदान दिल्ली, 4 जुन: करना खैफोदनि समाव थि समाय सिमा होनायाव हाबा फारिखौ फुरा खालामनो हायै सा 7 फेल 'शिपनि समाय सिमाखौ इउजिसिआ बांहोदों। बेनि गेजेरजों 31 डिसेम्बर 2021 सिमाव हाबाफारिखौ फुरा खालामनाय जागोन। आथिखालाव इउजिसिआ बुंदों बारायनाय समाय सिमानि फेलशिप रंखांथिखौ होनाय जानाय नडा। इउ जि सिनि बादिब्ला करना खैफोदनि जाहोनाव सोलौंथाय फंसथानआ बन्द' जानायजों संदानगिरिफोरा थि समाय सिमायाव फेलशिपनि हाबाफारिखौ मावफुनो हायाखैमोन। लोगोसेनो बेखौ लानानै थि समाय सिमा होनायनि समाबो जोबदोंमोन। संदानगिरिफोरा बेखौ फुरा खालामनो थाखाय समाय सिमाखौ बांहोने थांखि लादोंमोन। बावैसो समाव इउ जि सिआ बै फरायसाफोरनि थाखाय जाय फरायसा वृतिफोरनि थाखाय आगुयाव रैजिस्ट्रेशन खालाम खांबाय आरो जायफोरा थि समाव गोनांथि खौरांखौ मोनो हायाखै, बिसोरनि थाखाय 14 रोखोमनि फरायसा वृति यजनाफोरनि खौरांथि तल फ्रि नम्बर आरो इ-मेल आइडिखौ फोसावदोंमोन। बेनि सायाव सोमोन्दो लानानै फरायसाफोर न'थाव थानानैनो फरायसा वृति यजनाफोरनि खौरांखौ लानो हागोन। बावैसो समाव गोजौ थाखोनि सोलौंथाय फंसथानआ करना खैफोदखौ नोजोर होनायै गोदान सोलोयारि खांथिनि सायाव हाबाफारि मावनायखौ जागायजेदों। बेनि गेजेरजों बांसिननिफ्राय बांसिन कर्सफोरखौ अनलाइन फोरैनाय जागोन। बे सुबिदाखौ गोजौ थाखोनि सोलौंथाय फंसथाननो होनाय जागोन, जाय गुन गोनां मोनसे थि समनि मानदान्दाखौ फुरा खालामगोन □

No. ACE- 50/TECH/KOK(Bldg)/IFB/2016-17/388 Dated Kokrajhar the 3rd June '2021

**Tender No. 02 of 2021-22 INVITATION FOR BID (IFB)**

The Addl. Chief Engineer-cum-Director, P.W.D., B.T.C., Kokrajhar invites bids from approved contractors registered under Class-II & Class-I (A,B & C) category of Assam PWD (Building) or BTC according to their eligibility for submitting Bids for the work stated below.

Sl. No.	Name of Work	Package No.	Cost of Construction (Approx) in Rs.	Completion Period	EMD (In Rs.)	Cost of Tender documents (D/D) in Rs.
1.	Repair & Renovation of Puthimari State Dispensary (SD) at Puthimari village in Udalguri District.	TN-02/1	19,43,176.00	3 Month	19,500.00 For SC, ST & 39,000.00 For GNL.	1,000.00
2.	Construction of Boundary Wall, Earth filling, Latrine Urinal of Bhakatpara State Dispensary at Bhakatpara village in Udalguri District.	TN-02/2	19,34,769.00	3 Month	19,400.00 For SC, ST & 38,800.00 For GNL.	1,000.00
3.	Repair & Renovation, Earth filling, Cont. of Latrine Urinal of Barjhar Sub-Centre at Jhargaan in Udalguri District.	TN-02/3	15,18,845.00	3 Month	15,200.00 For SC, ST & 30,400.00 For GNL.	1,000.00
4.	Repairing and Renovation of Staff Quarter's of Rowta MPHCC at Rowta in Udalguri District.	TN-02/4	19,71,925.00	3 Month	19,800.00 For SC, ST & 39,600.00 For GNL.	1,000.00
5.	Construction of Brick Boundary Wall & Boys toilet and staff Toilet at Bhulukmari Vidyapith M.E. School in Udalguri District.	TN-02/5	24,64,284.00	3 Month	24,650.00 For SC, ST & 49,300.00 For GNL.	1,000.00

Detail IFB may be seen in all working days in the office of the undersigned. Bid will be issued to the contractor or their authorized agent up to 4.15 PM till 10/06/2021 in the office of the undersigned on payment in the form of Bank Draft duly pledged to the Principal Secretary, Bodoland Territorial Council, Kokrajhar, payable at SBI Kokrajhar. The bidder has to submit 2% in case of GNL and 1% in case of ST/SC as Bid security in the form of Fixed Deposit/Call Deposit/ Bank Guarantee under any Nationalized Bank duly pledged to the Executive Engineer, PWD, Udalguri (R&B) Division, Udalguri the time of submission of Bid.

**N.B.:**

- Last date of receiving application : 10th June/2021
- Last date of Issuing Bid documents : 10th June/2021
- Last date of receiving Bid : 15th June/2021 (Up to 2.00 PM).
- Date of Technical Bid opening : 15th June/2021 (on 2.30 PM).
- In case the office remains closed due to various reasons on the scheduled dates as mentioned in the I.F.B the same will be issued/received/opened on the next working days.
- Contractors/ Bidders must submit Bank Certificate from Nationalized Bank, Affidavit for Key person, Affidavit for Tools, Plants, Audit report for last 5 (Five) years & Latest copy of Registration/PAN/VAT etc.
- The Additional Chief Engineer, PWD, BTC, Kokrajhar reserves the right of issuing of Bidding document or outright rejection of the same without assigning any reason thereof.
- The intending bidders or their authorized representative may remain present at the time of opening of Bid.
- Other details can be seen in the bidding documents.
- This IFB will form a part of the contract agreement.
- The successful bidder shall deliver Performance Security of 1% (one P.C.) for ST/SC and 2% (two P.C.) for GNL of the contract price in the form of Fixed Deposit/ Call Deposit/ Bank Guarantee under any Nationalized Bank duly pledged to the Executive Engineer, PWD, Udalguri (R&B) Division, Udalguri.
- Payment will be made subject to availability of fund.

Sd/-  
Addl. Chief Engineer, Cum Director, PWD,  
Bodoland Territorial Council, Kokrajhar.

IPR(BTC)-44/2021

No. DDB-10/BTC/ SOPD-14209-20/ Dated Dotma the 3rd June/2021

**CORRIGENDUM**

It is hereby notified to all concerned that the inviting tender under 5th Assam State Finance Commission for the year 2019-20 under Dotma Development Block, Dotma. Tender paper receiving dated 06-03-2021 is postponed due to the unavailable circumstance and it is rescheduled on 07-06-2021

Sd/-  
Block Development Officer,  
Dotma Development Block, DOTMA

IPR(BTC)-41/2021

No. ACE-29/TECH/MSLPR/IFB/PM/2019-20/57 Dated Kokrajhar the 03/06/2021

**Tender No. 03 of 2020-21 INVITATION FOR BID (IFB)**

The Additional Chief Engineer-Cum-Director, PWD, BTC, Kokrajhar invites bids from eligible contractors registered under PWD (Building) department of Assam/ Bodoland Territorial Council of Class-I (A,B,C) & Class-II category for the work as detailed below :-

Sl. No.	Name of Work	Package No.	Tender Amount (Approx) in Rs.	Completion Period	EMD (In Rs.)	Cost of Tender documents (D/D) in Rs.
1.	Repairing/ Renovation, painting & Water supply facility at JB Memorial Hospital at Jabrangpara, Suklai in Baksa District.	TN.No._03/1	15,67,815.00	4 Months	15,700/-for ST,SC and and 31,357/-for GNL.	1000/-
2.	Construction of Boundary Wall, Cement Concrete Approach road & raising of low laying area at Uttar Betna PHC at Maharipara in Baksa District.	TN.No._03/2	18,66,777.00	4 Months	18,700/-for ST,SC and and 37,400/-for GNL.	1000/-

Detail IFB may be seen in all working days in the office of the undersigned. Bid will be issued to the contractor or their authorized agent up to 16:30 Hrs. from 05/06/2021 to 07/06/2021 in the office of the undersigned on payment in the form of Bank Draft duly pledged to the Principal Secretary, Bodoland Territorial Council, Kokrajhar, payable at Kokrajhar. The bidder has to submit 2% in case of GNL and 1% in case of ST/SC as Bid security in the form of Fixed Deposit under any Nationalized Bank duly pledged to the Executive Engineer, PWD, Mushalpur (R&B) Division, Mushalpur at the time of submission of Bid.

**N.B.:**

- Date of received of application/ Issuing of bidding documents : 05/06/2021 to 07/06/2021 (upto 16:30 Hrs).
- Date of Pre-Bid Meeting : 18/06/2021 (up to 14:00 Hrs).
- Date of receiving of bids : 18/06/2021 (upto 14:15 Hrs).
- Date of opening of Technical Bid : 19/06/2021 (at 14:30 Hrs).
- In case the office remains closed due to various reasons on the scheduled dates as mentioned in the I.F.B. the same will be issued/received/opened on the next working days.
- Contractor/ Bidders must submit Bank Certificate from Nationalized Bank, Affidavit for Key person, Affidavit for Tools, Plants, Audit report for last 5 (Five) years & Latest copy of Registration/PAN/Labour License/GST/EFP Certificate etc.
- Contractor/ Bidders who do not fulfill the requirement need not apply for Bid. The Addl. Chief Engineer-cum-Director, PWD, BTC, Kokrajhar reserves the right of issuing of Bidding documents or outright rejection of the same without assigning any reason thereof.
- The intending bidders or their authorized representative may remain present at the time of opening of Bid.
- Other details can be seen in the bidding documents.
- This IFB will form a part of the contract agreement.
- The successful bidder shall deliver Performance Security of 1% (one P.C.) for ST/SC and 2% (two P.C.) for GNL of the contract price in the form of Fixed Deposit under any Nationalized Bank duly pledged to the Executive Engineer, PWD, Mushalpur (R&B) Division.
- The approximate value of work is inclusive of G.S.T.
- Payment will be made subject to availability of fund.

Sd/-  
Addl. Chief Engineer-cum-Director,  
PWD, BTC, Kokrajhar

IPR(BTC)-43/2021

# हायनारिनिस्मि लिमारिक

जोमोन बैसोआव हायनारि हिसाबै  
हास्थायो आं नोंखौ जीउआव ।  
रुगुं गैयै बे फैलाव बुहुमाव  
हान्थियै-हान्थियै सफैबाय आं नोंनि साखाथियाव ।  
बोज'बना लादो हायनारि  
आंनि गोबो बिखाणि थार अन्नाय ।  
सान अखाफोर साखि दोनानै  
लागोन आं समायखिरा  
खालामगोन आं नोंखौनो जीउनि लोगोरि ।  
दहाय ! हायनारि.....  
दा दोनलां दावदाव आंनि गोबो बिखायाव  
खामगिल नांगोन आंनि जीउआ थैजासिम ।  
जोमोन बैसोनि बोरनाय गोसोआ  
नोंखौनो अराय नोजोरनि सिगाडव लुबैयो,  
नोंखौ नुवाब्लानो आंनि गोसोआ बायगिलयो,  
हर-सान नोंनि सानथियावनो दोबै नाडो ।  
हे हायनारि ! नोंनो आंनि जीउनि थिखानाय दावमैना  
दा खालामसै आंखौ बोदोर  
बारफेदो आंनि बिबार बागानाव  
बारसे समायना बिबार महरै,  
गोजोनगलाय होफेदो आंनि बिखाखौ  
नेनानै दं आं बोदोर गोसो लानानै ।

जाफुं बर'  
मशलपुर कलेज, एडच.एस. नैथि बोसोर ।

## रंजालिनि सिमां

नुदोमोन आं मैयासो  
हर गेजेराव रंजालिनि सिमां,  
नाथाय गैया आंहा मोगथांआव,  
सासेबो गोरबोनि अनजालि ।  
'रंजालि नोंखौ मानो सोरांआव  
नुनो मोना मानो ?  
हरनि उन्दुनाय समावल'  
नुजाफैयो मानो नों आंजों ।  
गैया आंहा मोगथांआव  
नों बादि सासेबो अनजालि  
दड गुबुनहा गाव गावनि असे  
नुयोबोला आं मालायनि रंजा बाजा ।  
नाथाय गैया आंहा सासेबो अनजालि  
अनजालिनों मोगथांआव नुजाफैदो  
आंजों नों मोगथांआव गेले फेदो  
आंनि मोदेखौ नोंनो फुगारदो ।

मुसि रिनदाव बसुमतारी  
गामि- 12 नं भुमका बिसिमपुरी  
जिल्ला- कक्राझर, बिटिसि ।

## मोगथाडासो सिमां

जेब्ला आं सिरियै गोदोहाबो  
सानबोलावरिनि देरायाव  
अब्ला जाखांफैयो फिर फिरनो  
मोगथाडा सिमां बादि  
सिगलाबलाडे फारनैबो खावलाय ।  
गिसिखालाडे ज़ाम ज़ाम हाब्रां ।  
अब्ला आं आरो रासिननिफ्राय रासिन मिनिस्सिनो,  
गोसोनि मोदैखौ गोसोआवनो  
थाथोंसै सानानै-  
नाथाय गुबुनाय बान्दोनिस्सो  
महर लायो... ।  
सोंनाय फैयो.....  
बबे बिखाया बबे गोसोजों सहायखो ?  
माबोरै..... ?  
जिउआ जिउनिनो  
ना..... फोजोबग्रासो ?  
खासि बिस्सिनो.... ?  
बेखायनोसो नामा रजे  
सिमाडा सिमां नडा  
मोगथाडासो सिमां ?

मिस रंजालि गयारि  
इउ एन एकाडेमि  
थाखो- 10 ( जि )

(1)  
मोजां मोनाबालाय मानो आं नोंखौ फुजा  
खालामो ईसोरनि खाथियाव मोनगौबा  
मोनगौबा नोंखौ  
सोगोंआदि आंनि थोथोर बोथोर  
समआलाय थांबाय बेबादिनो बोसोर बोसोर  
बे जोनोम मोनसेआव जुलि लानो लुबैयो  
आं नोंखौ ।

(2)  
उनथिं नायोबोला भुमिकानि महर  
मादि जादु गोनां नोंनि थाबायनाय महर  
बिखायाव खलम लाथिनानै लिरना हरदोमोन  
आं नोंनिस्मि लाइजाम गानै ।  
सानफ्रोमबो नुजाफैयो आंनि गोसोसिडव  
नोंनिल' महर ।

(3)  
दानि सिख्लाफोरखौलाय मा नायनो ?  
नुबोला लुबैलायगोन गोसोसो थोनो  
हाबाब मादि सना मुखि दाउ मैनानि राव  
रायज्जायो बिसोर बयजोंबो इराजील' राव  
बिसोरनि लामा दथायाव थानानै सेंग्राफोरखौ  
एदाव नायखौ मा नायनो ।

(4)  
सानदोंमोन आं अनजालि मुंनि  
नोंखौनो आं बे जोनोमआव हाबा  
खालामनो,  
नाथाय नोंदि आंखौ नेउसिलांबाय  
जानांबाय आं दिनै गोदाउ सोराव ।

प्रेम गयारी

बेतल  
ला:सो:- आमलाइगुरी  
जिला- चिरां, बि टि सि  
बैसो- जिगु ( 19 ) बोसोर ।

## आंनि हेंथा

निर्मल चन्द्र बसुमतारी

बे फैलाव बुहुम बिखायाव  
आं जोनोम लायो ।  
जोनोमजों लोगोयाव आंहा गोरिब,  
आरो आलाइ-सिलाइ,  
जाहोनाव आं-  
जेब्ला हायाव लुद्रु-लुद्रा गेलेथिडे,  
सिख्लाइ एमफैया....  
आंनि फेन्दा खेरफायाव अरफबो ।  
जेब्ला आं उन्दुयो,  
उराव एम्फौफ्रा....  
आंनि मोदोमाव खेब-खाव अरखुमायो ।  
जेब्ला हराव आं गोदो गोदो उन्दुलाडे,  
आंखौ थाफैफ्रा अरगिललाडे ।  
जेब्ला न'याव, जिरायगलाडे ॥  
आंनि मोदोमाव दावखुमैफ्र-  
मानसाव-खुस्राव अरफबो ।  
आडे जेब्ला फरायसा जिउ-  
आंनि उदैया ओंखाम ओंखि गैयामोन ।  
मालायनि गिजि गबलं सिफोरखौसो गानोमोन,  
बिबादिनो बिफोरजोंसो आं फराय नाडेमोन ।  
आं जेब्ला लाउखार हाग्रायाव मोसौ गुमहैयो,  
आंनि आइथिंफ्राव लुवारफ्रा अरगिललाडे ।  
आं जेब्ला दाहोना दुक्लियाव हालेव हैयो-  
आलि दानो- खोयो मावो-  
आंनि आइथिंफ्राव बेद्लावफ्रा ज'ज' बाथाबना  
अरगिललाडे  
आं जेब्ला सि जौसा हादानाव आबाद मावहैयो,  
सान-हर,मैदेर नेनानै मेगन मोदै-  
आं उन्दुस'न लाडे जाजोबलाडे ।  
जेब्ला आं मेघालयाव खेला जावहैयो  
आंनि लोगोया खेलाजों फबजाना थैलाडे ।  
बेयावनो आं आला दिड-  
आंनि समा औरैनो  
गोबां जेंनाजों सौग्रावना-  
आं फैफिन नाडे-  
बिदिनो आंनि हेंथा ।

## रंजालि गथ' फोरनि सौरा

### महर बोगोरि

### दुखुनि हांमा

महर बोगोरि आं बे मुगानि  
हागोनदा आखिनो-  
गोसो गोबोनि सान्नायखौ- ?  
सानो आं गोसोनि बाथ्राखौ फोरमायनो  
सुबुं लैथोनि बिखायाव रान्ना होनो  
नाथाय सोर मिथिनो ?  
आंनि थुलिखानि रावखौ-  
सुबुंनि नोजोराव जीउ गैयै आं  
सैना दोन्या गंसे सावगारीसो  
रायदावगोन सोर आंखौ ?  
मिथि मोनगोन दा- ?  
थुलिखानि खायलें खुइलें बोनाय  
राव गैयै सावगारीनि गावखौ ।  
नाथाय बेयावनो थाखोमादों  
गासै आंनि-  
सुखु-दुखु गावनाय मिनिनाय मेंनाय-बानाय ।  
हे ! सुबुं माहारि-  
अन्नानै नाय नुनो मोनगोन  
सान्नानै नाय बुजिमोनगोन  
रायज्जायनानै नाय राव मोनगोन  
दानानै नाय साखाथियाव मोनगोन  
आगानफ्रोमबो दावगालांनयाव  
आं थुलुंगा मोनगोन ।

सोर मिथिगौ आंनि दुखु-दाहा  
खामगिलनाय गोसोनि मोन्दै हुगारनायखौ  
बावगार हाया नोंसोरनि अन्नाय गोजोनहोनाय  
सानसेबा गावनाय सानसेबा मिनिनाय  
मा जाखो आंनि जिउआ  
बुंस'नो हायासै आं आंनि जिउखौ ।  
दुखुनि हांमा बोयै दाहानि खन्थाय लिरे लिरे  
थानोसै आं बे संसाराव ।  
सोर दड आंहा बे मुलुगआव ?  
गैया आंहा रावबो संसाराव  
आंनि गोरबोनि गावनायखौ सोर मिथिनो  
अराय सम दुखुनि हांमा बोनानै  
थाबाय आं संसाराव ।  
सोर आय' होनो आंनि गावनाय  
सोर मिथिनो आंनि दुखु दाहा  
बावनो गावनाय बावनो मिनिनाय  
थायो आं अरायसम दुखुखौ गोसोयाव  
दोन्नानै मिनिखुसि रंजा बाजा  
सोर मा होनानै गोजोन हांगोन ?  
मिथिस' हाया आं ।  
गैया आंहा आंगो बिमा बिफा बिब' बिनानाव  
संसाराजों मुगै जानाय बे जिउवा हावरिया  
जारिमिन जानानै थालांबाय आंनि

मिस रिखु नार्जारी  
इउ.एन.ब्रह्म गोजौ फरायसाली  
थाखो- एड्स.एस.एल.चि. सेकेन्ड इयार  
गामि- 7 नं आप्लागाव  
जिल्ला- कक्राझर, बिटिसि ( आसाम )

## ऐ जोमै

थादये नायफिने नों  
दाखा-दाखा महरै  
बबाव थांनो उरायै  
नोंनि महरखौ आं नायै  
बुजिबाय नों थान्दै ।  
रथ' रथ' जोमै  
गोसो इस्सिनि खोथा लांफाथ',  
ददेरे मायनावनि लागै  
हायोब्ला लांफानो जोमै  
थानानै नों, जानानै अखा  
फोरमायहै नों  
जुजाय अरनि खोथा  
आंखौ खामनायनि ।  
हाबिलास जाबायदों जानांगौ  
बियो आंनि खोथा मोन्नो,  
थां जोमै थां  
गोखोयैनो थां ।  
आरो दा बावगारदे  
बिनि खोथा मोनबोयोब्ला  
जोंनि गामिजों नों फैफिनोब्ला  
आंनो बिलाइलानो ।

मुश्री परस बर'

## फरायसुला आं

फरायसा जीउ आं बे बुब्लिआव  
नडा रंजानायनि बे मुलुगाव ।  
थांखि दड आंहाबो बे उजिआव  
जीउखौ लानानै सोरां खालामनायनि ।  
मैयासो गोरलैमोन आं-  
दिनै जाबाय आंनो अनसुला फरायसुला ।  
गोदोसोना थानाय बर' हरिखौ'  
फरायसा जाना बोखांफिननो आंनो थियारी ।  
गोसोनि आयनायाव, बोनाय सावगारी  
जाफुंगोन दा बियो सानसे आं बुंस' हाया ।  
गोसोनि मन्दिराव बारनाय बिबारा,  
गेवलांगोन दा बियो सानसे आं बुंस' हाया ।  
बर' आ हरिखौ सिनायनो रोडबोला  
बर' विमानि रावखौ लाया बोला-  
बे बुहुमाव जों खौसे जायाब्ला  
जों अराय आनदाय नांगोन ।

मुसि पवन ब्रह्म

## फैफिन नों रजे

मिस कल्यानी बसुमतारी

आंनि गोर गोसोआव नों जेब्ला  
लुफावफेदोंमोन अन्नायनि फिथिखा  
नोंनि थार अन्नाया  
लासै गेलेम लांदोंमोन गोरबो बिखा ।  
जेब्लानों गोरबोनि लांदों मासियाव-  
साननैसोनि आलासि जाना जिरायनायाव,  
बुंनाय बैफोर नोंनि राव फावआ  
दड दाबोनो गोरबोनि दायरिफोराव रोखा रोखा ।  
दिनै सुथुरनि नाखेबनायाव-  
गोसोआ नोंनि आंनिफ्राय बेसेबा गोजानाव  
सुथुरखौ गियोब्ला  
मानोथो मोजां मोना सना ?  
गोसो सिखाव जानानै रजे  
मोजां मोनलायनायनि गाथोनाव दागेले ।  
नोंनि अन्नायखौ लानानै  
बावलांबायमोन आं दुखुनि सोमोन्दै,  
नाथाय नोंनि फोथाय खेबस अन्नाया  
दिनै सोमजिहोबाय गोरबोआव हांमा... ।  
नोंनि थाखाय सुजुनाय सिमाड  
सिमाडैनो गोमोरलांनयाव सना,  
नोंखौ लानानै लुनाय मिजिनि देरायावलाय  
सुथुरनि लुफावनाय अरा जोंब्लाउ फैबाय ।  
नों आंनि गोजान जादोंब्लाबो  
गोमोरखै रजे नोंनि सावगारिया गोरबोनिफ्रायनो ।  
सिमाड आंनि नोंनि थाखायल  
मोगथाडव नोंनि अन्नाय मोननायनिल ।  
गोरबोआव आंनो मोदैनि आगान होलांनानै  
आंनिफ्राय जानगारखो नों मा गोसो लानानै ?  
मैगिलनाय सोलेरखो लानानै  
दड आं नोंखौनो नागिरबायनानै,  
नाथाय दिनै आंनि दावबायनाय लामायाव,  
गाब्रफलांबाय आं सुनि बेहेराव ।  
आंथिनि सुखौ बखनानै  
सानदोंमोन आं आगान सुरफिननो गोदानै,  
नाथाय बखनो हायाखिसै आं रजे  
नाजाब्लाबो गले गले ।  
आंथिनि सुखौ बखनो-  
नों नडाब्ला हानाय नडा रावबो ।  
दड आं दिनै जग्रबनानैसो बे सुनि बेहेरावनो,  
थैजासिम बेवनो थाबाय थानानै  
नोंखौनो आं लामा नायबाय थासै ।  
माब्लाबा आंखौ गोसोखांफिनोब्ला  
अनसाय फैफिननो दाबाव सना  
बे लामाखौ सं दाननानै सानसे-  
आंनिस्मि फैफिन नों रजे.... ।



( 1 बिलाइनिफ़्राय )

( 1 बिलाइनिफ़्राय )

( 1 बिलाइनिफ़्राय )

# टंलायाव कभिडजों साग्लोबजानानै सानै फोरोंगिरिनि जिउ खहा

बोसोर बैसोनि रमेस स्वर्ग्यारिआ थैनायनि समाव बे मुलुगाव बिस्, फिसाज्ला आरो फिसाजोखौ अरायनि थाखाय नागारलाडे । गुबुन फार्सेथिं 1 नं हार्सापारा गुदि फरायसालिनि गाहाय फोरोंगिरि, उदालगुरि जिल्ला गुदि फोरोंगिरि आफादिनि नेहाथारि खर्गेस्वर कसारीया थानाय बृहस्पतिवारखालि कभिडजों साग्लोबजानानै गावनि न'आव जोबथा हां बोयो । टंला सानजा नलबारिनि थागिबि फोरोंगिरि खर्गेश्वर कसारीया (56) थैनाय समाव बिस्, सानै फिसाजोचों लोगोसे गोबां बाय-बाहागिफोरखौ अरायनि थाखाय बे मुलुगाव नागारलाडे । सानै फोरोंगिरिफोरनि रुंसारि जानायाव उदालगुरि जिल्लायावनो दुखुनि सायखं साग्लोबदों । लोगोसे गुबुन गुबुन दोलो-आफादफोरा बिथांमोननि जिउमानि अराय गोजोननि थाखाय आर'ज गाबनायजों लोगोसे दुखुथिया नखरनिस्मि दुखु फोरमायहरो ।

# गुबुन गोब्राब बेरामजों भुगिनांनाय कभिड बेरामिफोरखौ ह'म क्वारेन्टाइननि गनायथि

बिथिडवबो सावरायलायो आरो गावआरि देहा फाहामसालिनि सरासनम्ना वार्ड आरो सुपार-स्पेसियेलिक्ट वार्डफोरखौ कभिड फाहामथायनि थाखाय बेरामिफोरनि फाहामथायनि खरसाखौ जुक्तिगोनाडै मासुलखौ थि खालामनाय जायो । करनानि बे गोब्राब समाव जाहाथे गावआरि देहा फाहामसालियाव फाहामथायनि थाखाय थानाय बेरामिफोरनि फाहामथायनि रां लानायाव जेबो रोखोमनि गोरोब लाये जाया बेखौ रोखा खालामनो थाखाय मासुलिनि हारखौ थि खालामनाय जादों । गिबि मन्थ्रिया राज्योनिस्मि मिरु सरकारा दैथाय हरनाय मोन 6 अक्सिजेन बिथांखि गायसन्नायनि थासारिनि सायाव सावरायलायनायजों लोगोसे गुबुन गुबुन सरकारि देहा फाहामसालियाव गायसन्नाय पेडियाट्रिक आइ चि इउफोरनि थासारि आरो राज्योनि मोन 13 अक्सिजेन बिथांखिनि खामानिफोरनि सायाव सावरायलायो । थाबैनो गोबां बिबांनि सुबुफोरनो भेक्सिन थुनाय हाबाफारिखौ फोजोबनो थाखाय सानफ्रोमबो भेक्सिन थुनायनि बिबांखो बांहोनोबो गिबि मन्थ्रिया बिफाननो बिथोन होयो । गिबि मन्थ्रिया बुडोदि फैगौ माखासे साननि गेजेराव राज्योव भेक्सिननि गोदान जगायथाया फैनाय लोगो लोगोनो जोबोद खम समनि गेजेराव जेसेबां हागौ एसेबां सुबुफोरखौ भेक्सिन थुनायनि हाबाफारिखौ फोजोबसंनानयनि थाखाय भेक्सिन थुनाय हाबाफारिखौ गोखे खालामनो नांगोन । सुट गैयै ल'ननि गेजेरजों गावआरि देहा फाहामसालिफोरनो फाण्ड जगायनाय बिथिडवबो नायबिजरनो थाखाय गिबि मन्थ्रिया सावस्रि बिफाननो बिथोन होयो जाहाते बिथांमोनहा मिरु सरकारा गावआरि खोन्देनि थाखाय थिनाय 25 जौखोन्दो क'टानि सिडव दिहुनगिरिफोरनिफ्राय थोंजोडै भेक्सिनफोरखौ बायनो हायो । बे राहानि जाहोनाव गावआरि देहा फाहामसालिनि गेजेरजों गोबां बिबांनि सुबुफोरखौ भेक्सिन थुनायनि आवथासिम लाबोनो हागोन होन्नानै गिबि मन्थ्रिया मिजिंथिनाय फोरमायो । दिन्नैनि बे मेलाव सावस्रि मन्थ्रि केसब महन्त, गिबि मन्थ्रिनि चिफ सेक्रेटारि समिर कुमार सिनहा, सावस्रि बिफाननि चिफ सेक्रेटारि अनुगुग ग'बेल, राष्ट्रीय सावस्रि मिसन आसामनि अधियान सामन्त्यायगिरि लक्ष्मन एसजों लोगोसे गुबुन बिबानगिरिफोराबो बाहागो लादोंमोन ।

# एम एल ए जयन्त बसुमतारिआ लंकार दैसायाव बल्डार डिपेक्सन बेखेवदों

बानानि आरो हा खुरखानायनिफ्राय ओन्सोलनि थागिबि सुबुफोरखौ रैखाथि मोनहोनयनि नोजोरजों दै बाना होबथानायनि बल्डार डिप्लेक्सनि खामानि मावनायखौ बेखेवदों 31 सिडलि बिधान सभा बियाबनि एम एल ए जयन्त बसुमतारिआ । बि टि सिनि मावफुं सोद्रोमा ड० निलतु सरायारिनि नुजाथिनायाव बिथां एम एल एआ बेखेवनानै होदों बल्डार डिप्लेक्सनखौ । मख'जाथावदि, बे डिप्लेक्सनजों चिरां जिल्लानि सिडव थानाय आमतेका ओन्सोलनि सिदाबारि, मारुपार, अन्थायबारि आरो तंसिदाडिं गामिफोर दै लोमनाय आरो हा खुरखानायनिफ्राय रैखा मोनो हागोनखौ मिजिंथिनो हाथाव । बिथां एम एल एआ खौरंगिरिनि सिगाडव फोरमायनाय बायदिब्ला, एम एल ए जाखानायनि उनाव गिबि खेब सिडलि बियाबनि सिडव थानाय निसिमा ओन्सोलनि लंकर दैसानि हा खुरखानायखौ होबथानो थाखाय एस डि आर एफनि धोनजों डिप्लेक्सन बानानायनि खामानिखौ बेखेवनो मोन्नानै गोजोन्दों । फैबाय थानाय समाव भुयान इण्ड्योनि आफाडव थानाय जेसेबां गामिफोर दं बेफोर गामिफोरनि लोंगा दै, सोलौंथाय, सावस्रिखौ लाफानानै गासै जेनाफोरखौ बोखानायनि फारसे इण्ड्यो सरकार आरो बि टि आर सरकार खामानि मावलोगोन होन्नानै एम एल ए जयन्त बसुमतारिआ फोरमायदों ।

# बि टि चिनि 8 नं जमदुवार बियाबाव २4 कौटि 83 लाख रांनि दोंथाम लामा लुफुंथायनि खामानिखौ

सोद्रोमा रेव रेवा नार्जारीहारिया । राज्योनि गिबि मन्थ्रि ड० हिमन्त बिश्व शर्माया 4 नं जमदुवार बियाबनि राइजो-राजाफोरनि जौगाखानायनि थाखाय राज्यो सरकारा नाजावनाय गुड उडल बिथांखिनि सिडव दोंथाम लामानि थाखाय 4,83 कौटि रांखौ दिहुन्ना हरदों । मख'जाथावदि बि टि आर ओन्सोलाव गोलैसोनानै थानाय हान्था-मेलानि राहाखौ गोखों खालामनो थाखाय गुड उडल बिथांखिनिफ्राय मख'नाय रांखौ दिहुन्ना होनाय जादों होन्नानै मावफुं सोद्रोमाया खौरंगिरिफोरनि सिगाडव बुंथियो ।

**सुन्द' सल'**  
**कृष्ण कान्त बर'**

# गंगार हाजोनि दै

**ग**ामिनि मुड ल'चरपारा । बिनिनो मेगनाव नांथाव माहाजोन रुपनाथ । जेब्लाबो दाहोना-रुवाथी लानानै हाल मावनानै जानो मोजां मोनो । गायै-फुयै रुम्बां मावखंब्लाथ' दाहोना रुवाथिनो दाउ बेदर, अमा बेदर जाहोसंनानै मोन्नांगौ दान बान्थाफोरखौ होनानै हगारहरो । मेसैनि थाखाय गोदान दाहोना रुवाथि लाफिनो । खायफाबा मोजां मोन्नानै थालांफिनो । अन्नायजों बुरखाय बुरखाय खामानि बाथायनो रोंसोगरागौ रुपनाथ माहाजोना । नायैनो नायैनो माय गायनांगौ समआ सौफैथारबाय दाहोना जालांगाव मोनहा थियारि जावय । अखानायनिफ्रान्दो माय गायसिगोन । रुवाथि नाबथिमोनहाबो साखाफाराथारसै माय गायनो । गाबोन मंगलबार । हाथायबो । मंगलबार खालिनो माय गायजेनखायो बोसोरफ्रोमबो रुपनाथ माहाजोनआ । माय-

फाथो, बेसर फान्नानै हाथायनिफ्राय अमा बेदर, दावला-दावफोर बायनानै लाबोयो । न'आवनो फुख्रि दंखायो । नानि आंखाल गैया । गामिनि सासे-सानै मानसिफोर हाल एवहैफायो, गायहैफायो । रावबो नंथाब्लाबो न'नि गोजानो दाहोना-रुवाथि मे'नानै ज' मोजां बेदर ऑंखाम जानो होन्नानै लाबोखायो । माहाजोननि नेम बादियै मावनाय जैरे, जानायबो एरैनो जानांगौ । सानजौफुनि ओंखाम जाखानायनिफ्रायनो माहाजोना दाहोना रुवाथिफोरखौ खौथिया, नांगोल जुंगालनिफ्राय लानानै उदिस लागसिनो । दाहोना-रुवाथिफोराबो साखा-फारा जगासिनो । माहाजोननि नेम बादियै माय गायजेननिफ्राय गायखांजासिम एवा नांगोल जांखा जाजासिम न'आव जेबो आंखाल जानो मोना एवा दाहोना रुवाथिफ्राबो जेबो बेरैत-बरत खालामनो मोना आरो दाहोना

एवा नखरनि रावबो खानाय सिन्नो मोना । बिनि थाखायनो माहाजोना आगोलावनो लाहार फाहार खालामखा जोबो । दाहोना जालांगातआ देग्लायजों बोसोरखा जाबाय बिस्मानव दाहोना थानाया । ऑंखायनो बिहा रोंखा-राखा थारसै । सिगाडवबो गसिबो थाक थियारि खालामखाथारसै । देग्लाय बिहा गोदान मिजिं दं । माहाजोननाव देग्लाय मोजाडैनो मावखाथारनोसै । देग्लायनिफ्राय आरो बियो दाहोना थालिया । नाबाथिखौ लानानै गोदान संसार दानोसै । माहाजोननि फामुनि हाखौ आदि गायनोसै । गावनि आरो नाबाथिनि बोसोरसेनि दानबान्थाजों हा बिगानैसो बायदेरबावनोसै । बिमा बुरै सासे आरो बिनानाव उन्दै सासेखौ लानानै गावनि असे न'आवनो गंसे मोजां न' लुदेरबावनानै आधोनआवनो नाबाथिखौ लाना थानोसै । माय गोलैजों थिलेब-लेब हाथासुनि होनोसै । नाथाय

मानसिआ सानो मुंसे गसाइआ खालामो मुंसे । जालांगातनि सिमाडा सिमाडेनो थाबाय । मोकथाडव महर मोनाखिसै । माहाजोननि नख'राव अब्ला दावब' बाप्सिबायमोन । जाख्वां-लौखं बयबो उन्दुजोवबायमोन । अखायाबो बारनिफ्राय बारा हानो लाबायमोन । दसे उनाव 'दै.....दै.....दै' होन्नानै गामिआव मानसिफोरनि गावखाव-गाबस्रि खोनयो । मुब्-मुस्रि माहाजोनआ सिखारो । दाहोना-रुवाथिफ्राबो बयबो सिखारजोबो । नाथाय बे समसिमहालागौ गंगार हाजोनि दैआ रुपनाथ माहाजोननि खामसालि बारहांथारसैमोन । बेखौ दैखं-बेखौ लां-दावराव दावसि खारग्लुंजोबनानै माहाजोन, दाहोना-रुवाथि बयबो गामिनि एलपि स्कुलाव थाहैजोबो । गामिनि मानसिफ्रा बयबो बेवहायनो थाफैजोवबायमोन गंगार हाजोनि दैआ लोब-लोब बारायबोनानै

न' बां, लाय-लथर, नांगोल-जुंगाल, खौथिया गसिबो बुखारलांजोबो माहाजोननि गायनो गोनां दुब्लिखौ बालाजों फवलाडे । मोसै माथासमोनि अनगायै जेखौबो बासायनो हायाखिसै माहाजोनआ । मायर-दैरं गसिबो दै लोमजोबबाय । खुनुरुखुम जिउखौ बासायनानै दाहोना रुवाथिखौ लाफानानै गामिनि बयजोंबो लोगोसे रि लिफ केम्फ आवसो थाहैनांबाय । दाहोना रुवाथिब'हा दानबान्था हरनो हानो गावहानो देग्लाय र'सासो नांनांसिगोन नंदां ? सानखोमाबाय माहाजोनआ । दाहोना जालांगातआ सिरियै मोदें हुगारखोमाबाय । गंगार राजानि सायाव दिउ-दिउ रागा जोंबाय । देग्लायनो दानफलंहरंगंगौ जाबाय बिहा.....? हथ'सिरियाया. ? रुवाथि नाबाथिआबो स्रोत हांमा सुरुखोमाबाय 'खफालानो गाग्रि आंना.....।' ।

# मानास माहारियारि पार्कआव बि टि चिनि गाहाय मावफुं सोद्रोमा प्रमद बर 'आ दावबायहैदों

जावखंग्राफोरनि हेंथायै गोखों राहा लानाय जागोन होन्ना फोरमायनानै मानास माहारियारि पार्कजों लोगोसे पबंटझरानिफ्राय भेरबकुन्डसिम आयेन बेरेखायै गुबुनारिफोरा हाबसनफैदों होन्नानै बिथाड बुडे । आथिखालाव आयेन बेरेखायै हाबखनफैग्राफोरनि हेंथायै नायबिजरनाय जागासिनो दड' आरो जुदि सोरबाफोर आयेन बेरेखायै हाबखनफैदों बिसोरनि हेंथायै गोखों राहा लानाय जागोन होन्नानै प्रमद बर'आ बुडे । बर'आ मानास माहारियारि पार्कखौ माहारि गेजेरारि थाखोसिम लांनो थाखाय थांखि नाजावनाय जादों होन्ना फोरमायनानै फैगौ से-नै बोसोरनि गेजेराव मानास माहारियारि पार्कनि महर-मुस्रिफोरा सोलायालांगोन होन्नानै बिथाड बुडे । गोदान बिग्रायारि हान्जा एन एल एफ बि नि सोमोन्दै सोथिं सोंनायाव प्रमद बर'आ बुडेदि बे बिथिडव पुलिसआ गोखों नोजोर हागासिनो दड' होन्ना फोरमायनायजों लोगोसे बिथाड सरकारनि फार्सेनिफ्राय एबा समाजारि महरै बिसोरखौ बेबायदि समाज बेरेखा खामानि मावनायनिफ्राय जानगाराव थानो खवलायहरो । मानोना आथिखालाव सुबुफोरा गोजोन, रैखाथि, दावगानाय आरो जौगानायखौ हास्थायो होन्नानै बिथाड फोरमायो ।

बिथाड बुंवावोदि टेट आन्जादाव उथ्रिसार जानानै साख्रि मोने टेट उथ्रिसारफोरनो सरकारनि आखायाव जेसेबां मासिफोर दड' बैफोर मासियाव साख्रि मोनगोन आरो बि टि आर आव जेसेबां लांदां मासिफोर दड' बैफोर मासिफोरखौ आबुं खालामनो थिसन्थायनि गुबुन गुबुन राहा लागसिनो दड'होन्नानै बिथाड बुडे ।

# बि के डब्लिउ ए सिनि सि इ एमजों लोगोसे मावफुं सोद्रोमाफोरनो बिबान रनबाय

ए सिनि गाहाय मावफुं सोद्रोमाजों लोगोसे साफ्रोमबो मावफुं सोद्रोमाफोरनो बिफान रन्नानै होनाय जायो । बि के डब्लिउ ए सिनि गाहाय मावफुं सोद्रोमा मिहिनीश्वर बसुमतारिआ दिन्नै मोनसे खौरंगिरि मेल खुंनयनि गेजेरजों सायख'जानाय गासै मावफुं सोद्रोमाफोरनि गेजेराव बिफान रन्नानै होनायखौ फोसावदों । बर' कसारि वेल्फेयार अट'नमास काउन्सिल, एक्ट 2020 नि नेमखान्थि बायदियै मावफुं सोद्रोमाफोरनो बिफान रन्नानै होनाय जायो । बेबायदिनो दिन्नै मोनसे फोसावथि बिलाइनि गेजेरजों बिफान रननायखौ फोसावनाय बायदियै गाहाय मावफुं सोद्रोमा मिहिनीश्वर बसुमतारिआ पि डब्लिउ डि आरो गुबुन जायखि जाया मावफुं सोद्रोमाफोरनो होयै बिफानफोरखौ मोनो हायो ।

एह्राय बि के डब्लिउ ए सिनि मासिगिरि गाम्भार मुसाहारिआ पि एन्ड आर डि आरो हाग्रा बिफान, लेडइ मासिगिरि श्रीजोन बसुमतारिआ फिसारि, आर्बान डेभलपमेन्ट एन्ड टाउन एन्ड कार्टि प्लेनिं, लेडइ गाहाय मावफुं सोद्रोमा रमिय' पि नार्जार्आ ससियेल अवेल्फेयार, हेन्डलुम एन्ड टेक्सटाइल आरो मिउजियाम एन्ड अर्किव'लजि बिफान, मावफुं सोद्रोमा अनिल बसुमतारिआ लाइब्रेरि सार्थिस आरो सोलौंथाय बिफान, मावफुं सोद्रोमा अमिय' कुमार बसुमतारिआ माइनर इरिगेशन आरो लेन्ड एन्ड रिभेनिउ, मावफुं सोद्रोमा बिनद बसुमतारिआ डब्लिउ पि टि एन्ड बि सि आरो ट्राइबेल रिसार्स बिफान, मावफुं सोद्रोमा प्रदिप स्वर्गियारिआ आबाद आरो मार्केट एन्ड फैर्स, मावफुं सोद्रोमा प्रनब बर'आ कालसारेल् एफेयासं आरो टुरिजिम, मावफुं सोद्रोमा मथुर बसुमतारिआ एनिमेल हाइबेनाइड एन्ड भेटेरिनारि आरो क-अपारेसन बिफान, मावफुं सोद्रोमा महिपाल बर'आ वाटर रिसर्स आरो सवेल् कनजारभेसन, मावफुं सोद्रोमा जयकात्त बर'आ स्पटर्स एन्ड युथ वेल्फेयार, मावफुं सोद्रोमा दसरथ बर'आ पि एड्च इ आरो फुड एन्ड सिभिल साप्लाइ आरो मावफुं सोद्रोमा राजेस सर्किआ कटेज इन्डास्ट्रि आरो ट्रेन्सपर्ट बिफानखौ मोनो हायो ।

# गिबि मन्थ्रिआ पि डब्लिउ डि आरो गोजौसिन सोलौंथाय बिफाननि मावख 'गिरिफोरजों मेल

शर्माआ जनता भवनाव थानाय गावनि मावखुलिनि सावरायग्रा खथायाव गोजौसिन सोलौंथाय सेक्टरनि फोजौखं बिथांखिफोर मावफुंनयनि सायाव गोजौसिन सोलौंथाय बिफान आरो पि डब्लिउ डि बिफाननि बिफानारिफोरजों गोनांथारै सावरायलायदों । बे मेलयाव गिबि मन्थ्रि शर्माआ इण्ड्योनि माइनरिदि गोहोम गोलैनाय ओन्सोलफोरव मोन 9 हिन्जावसा फरायसालिमाखौ लुफुगासिनो थानायनि सायाव खौरं लानानै बेफोर फरायसालिमा लुफुनायखौ थाबैनो आबुं खालामनो थाखाय मावख 'गिरिफोरखौ बिथोन होयो । लोगोसे गिबि मन्थ्रिआ इण्ड्योनि गुबुन गुबुन ओन्सोलफोरव लुफुनो गोनां गासै गं 9 फरायसालिमाफोरखौ फैगौ 15 आगस्टनिफ्राय जागायनो आरो 2 बोसोरनि गेजेराव आबुं खालामनो थाखाय बिथोन होदों । बेनि अनगायैबो इण्ड्योयाव एस अ पि डि बिथांखि आरो राष्ट्रिय उच्चत्त शिक्षा अधियान बिथांखिनि आवथायाव मडेल कलेजफोर लुफुगासिनो थानायनि सायावबो खौरं लायो ।

दिन्नैनि बे मेलनि गेजेरजों इन्जिनियारफोरनि थाखाय उदां थिसन्थाय एजेन्सिनि सायाव गोनांथि होनानै थाबैनो आसाम एन्जिनियारि सार्थिस रेकुटइमेन्ट बर्ड दानो थाखायबो बिथोन होनाय जायो । लोगोसे इण्ड्योनि मोनफ्रोमबो जिल्लायाव पि डब्लिउ डिनि जरखा मावखुलि फसंनो थाखाय बिफानारिफोरखौ बिथोन होयो । दिन्नैनि बे मेलयाव गिबि मन्थ्रि शर्माजों लोगोसे सोलौंथाय मन्थ्रि ड० रनुज प्गु, गिबि मन्थ्रिनि प्रिन्सिपाल सेक्रेटारि समिर कुमार सिन्हा, हायार इडुकेसननि प्रिन्सिपाल सेक्रेटारि बि कल्यान चक्रवर्ती, पि डब्लिउ डिनि कमिसनर राज चक्रवर्तीमोनजों लोगोसे गुबुन गोबां गोजौ थाखोनि मावख 'गिरिफोरबो बाहागो लाफादोंमोन ।

# 6 जुननिफ्राय इण्ड्यो सरकारनि गोदान गाइडलाइन

फोसावनाय गाइडलाइन बायदियै इण्ड्यो नाडै कार्फिउ आइन्आ सिगांनि 12.00 रिगानि जायगायाव फावसयनानै बेलासि 1.00 रिगानिफ्राय अखानायै फुंबलि 5.00 रिगासिम सोलिगोन । बेबायदिनो बेलासि 1.00 रिगानिफ्राय फुंनि 5.00 रिगासिम इमारैन्सिनि अनगायै रावबो सुबुफोरा थालाय-फैलाय खालामनो मोन्नाय नडा । एह्राय इण्ड्यो नाडै गलाफोर सिगांनि 11.00 रिगानि सोलायै फैगौ 6 जुननिफ्राय सान्जौफुनि 12.00 रिगासिम खुलिनो हासिगोन ।

अदेबानि सान्जौफु 12.00 रिगासिमाव गासै गलाफोरा बन्द' खालामनांगोन । बेरफारसे मोनसे जिल्लानिफ्राय गुबुन मोनसे जिल्लासिम सुबुफोरनि हान्था-मेला खालामनाय बिथिडव गोदानै फोसावनाय गाइडलाइनआव रेहाय होनाय जायाखै । अदेबानि बेफोरनि अनगायै गुबुन गासै नेमखान्थिफोरा सिगाडव फोसावखानाय बायदियैनो थागोन । इण्ड्यो सरकार फिन फोसावथि होफिनागौमानि दिन्नै गोदानै फोसावनाय बे गाइडलाइननि नेमखान्थिफोर सोलिबाय थागोन ।


# बे बोसोरावबो खुंजानाय नंला अम्बुबासि मेलाया

थानाय बोसोरावबो बे एखे कभिड-19 थासारिनि जाहोनाव अम्बुबासि मेलाखौ खुंनय जायाखैमोन । कामाख्या मन्दिर सामलाय आफादआ फैगौ 30 जुनसिम दावबायारिफोरनि थाखाय मन्दिरखौ बन्द' लाखिनो फोसावथि होदों । मख'नाय जायोदि, फैगौ 22 जुनखालि जानो गोनां अम्बुबासि मेलाखौ बोसोरफ्रोमबो गुवाहाटीनि कामाख्या मन्दिरव गाजा-गोमजायै फालिबोदोंमोन । जेराव हादतनि गुबुन गुबुन इण्ड्योनि अनगायैबो बायजो हादतनि गोबां धोराम सिबियारिफोर आरो सादुफोरा बे मेलायाव बाहागो लाफैयोमोन । बे बोसोरावबो कभिड-19 नि जाहोनाव थानाय 13 मेनिफ्रायनो कामाख्या मन्दिरव धोराम सिबियारिफोरखौ हावहोयाखै ।



# शाहरुख खाननि एके महरनि सुबुंखौ नुनानै साफ्रोमबो गोमोदौं

गोदान दिल्ली, 4 जुन: बलिउड स्टारफोरनि एखे महरनि सावगारिफोर सम-सम ससेल मिडियाआव सोराडव फैबाय थायो। दासिमआव गोबां स्टारफोरनि एखे महरआ सोराडव फैखांबाय। बेराफासै माखासे खेब बिसोरखौ नुनानै नखाय आरो नंगुबैखौ सिनायनायाव गोबां जेंना गोनां जायो। सलमान खान, ऋतिक रशन, एश्वर्य राय बच्चन, अनुष्का शर्माजौं लोगोसे माखासे स्टारफोरनि एखे महरनि सावगारिफोरा ससेल



शाहरुख खानआबो गानवो गिबि नुनायाव गोमोदौं। इब्राहिमनि महरआ शाहरुखजौं रोखोमसे जानायजौं लोगोसे बिन खानाय स्टाइल आरो जौथाइआबो समान। बेराफासै इब्राहिमनि ड्रेसिं सेन्सआबो सुपारस्टार बादिनो। इनस्टाग्रामआव इब्राहिम कादरीआ गोबां मुंदांखा, बिखौ बे ससेल नेटवर्कि साइटआव 43 रोजानिबो बांसिन सुबुंफोर फल' खालामो। इब्राहिम कादरीआ गानवि बांनय फेन फलइंखौ नोजोर होनानै इनस्टाग्रामआव गोबां एक्टिभ थायो। बियो सम सम गानवि लेटेस्ट सावगारिफोर आरो भिडिअफोरखौ ससेल मिडियाआव फेन्सफोरजौं लोगोसे शेयर खालामानानै

बिसोरनो सारप्राइज होयो। बे समाव शाहरुख खानआ गानवि रिलिस जानो गोनां सावथुन पाठाननि शुटिंआव मुखुब जानानै दड। बे सावथुनआव बिन अनगायै जन आब्राहाम आरो दिपिका पाडुकननि गाहाय फाव खालामनायखौ नुनो मोनगोन। सावथुनखौ फोसावनायनि उनिनफ्रायनो शुटिंआ थबथानानै दड। बेयो इन्फेक्सननि जाहोनाव थाबथानानै दड। बावैसो समाव शाहरुख खाननि मोनसे भिडिअआ लीक जादौंमोन। बेवहाय बिखौ एक्सन सीन खालामनाय नुनो मोन्दौंमोन। शाहरुख खाननि फेन्सफोरा बिखौ एक्सन सीन खालामनाय नुनानै उसु-खुथु जादौंमोन।

## श्रुति हासनआ ब्लेक लिपस्टिकनि जाहोनाव टूल खालामजादौं



मिडियाआव भाइरल जाखांबाय। बेनि गेजेरावनो आधिखालाव बलिउड बादशाह एबा शाहरुख

खाननि एखे महरनि सावगारिआ इन्टरनेटआव खौराडव थाबाय थादौं। बे सुबुंखौ नुनानै बयबो गोमोमोन। शाहरुख खाननि एखे महरनि मुझ इब्राहिम कादरी। इब्राहिमखौ फाफ्रोमबो एंगलजौं शाहरुख खान बायदि नुयो। इब्राहिम कादरीनि महरआ किं खानजौं एबादि गोरोबोदि,

## बिद्या बालननि गोदान सावथुन शेरनीनि ट्रेलारआ रिलिज जाबाय

गोदान दिल्ली, 4 जुन : बिद्या बालननि गुबुन मोनसे सावथुन शेरनीनि ट्रेलारआ रिलिज जाबाय। बे सावथुनखौ सिनेमाहलफोरनि थाखाय बानायनाय जादौंमोन, नाथाय करना भाइरास पेनडेमिकनि जाहोनाव एमेजन प्राइम थि डिपआव 11जुनआव रिलिज खालामनाय जासिगोन। शेरनीआ हाग्रा जुनार आरो सुबुंफोरनि गेजेराव लानाय सोमोन्दौंनि सल'। बे सोमोन्दौंआव गोबां खेब बुथारलानायबो जायो, जेब्ला जुनारनि न' हाग्रायाव सुबुंआ गाग्लोबो। शेरनीनि सल'आ मोनसे सरासन्ना सावथुन। सम सम खोनानो मोनोदि माखासे सिंह फोरा हाग्राणिफ्राय ओंखारबोनानै सुबुंफोरा थाग्रा जायागायाव सौहेयो आरो बियो से सुबुंफोरनि थाग्रा जायागायाव गाग्लोब है यो। फरे स्ट डिपार्ट मेन्टआ बेबायदि के सफोरनि बिबानखौ सामलायो। शेरनीआ बेबायदिनो मोनसे जाथायनि सायाव बिथा खालामनाय सल' जेराव मासे सिंहआ गिखुंथाव गाग्लोबग्रा जायो। आधिखालाव बेखौ हमनाया हाग्रा बिफाननि थाखाय बयनिखुइबो देरसिन सेलेन्ज




गोनां जादौं। नाथाय जेब्ला बे बिबानखौ सासे आइजो अफिसारनो होनाय जायो अब्ला सन्देह खालामनाय आरो बाथा सावरायनाय जायो। ट्रेलारआव शरत साक्सेनाखौ सासे मुंदांखा मैहुर खालामग्राणि महराव दिन्थिनय जादौं। बेनि अनगायै बिजय राज, मुकुल चड्डा, नीरज काबी, इला अरुणजौं लोगोसे माखासे फावगिरिफोरखौ गाहाय फावआव नुनो मोनगोन। सावथुनखौ अमित मासुकरआ विथोन होदो, जाय बेनि सिगां निउटन बायदि सावराय जानाय आरो बाखानयजानाय सावथुनखौ बानायखांबाय। सावथुनआ 18 जुनआव एमेजन प्राइमआव रिलिज जागोन। बिद्याआ सावथुनआव सासे

हाग्रा बिफाननि बिबानगिरिनि फाव खालामगोन। बेनि सुटिआ मध्य प्रदेशनि हाग्राबिफोराव जादौं। थांनय बोसोरनि मार्चआव लकडाउन जानायनि जाहोनाव सुटिखौ दोन्थ 'नो गोनां जादौंमोन, जायखौ अक्टवरआव लकडाउन खुलिनयनि उनाव गोदान जागायफिन्दौंमोन। एमेजन प्राइमआव बिद्यानि बेयो नैथ सावथुन जागोन। दा फेमिली मेन 2 वेब सिरिजनि उनाव एमेजन प्राइमआव शेरनीआ नैथ गिदिर प्रजेक्ट जादौं। बेनि सिगां थांनय बोसोराव शकुन्तला देबीआ एमेजनआ रिलिज जादौंमोन। नाथाय लकडाउननि जाहोनाव सिनेमा हलफोरनि अनगायै थोंजोडै अटिति प्लेटफर्मआव रिलिज खालामनाय जादौंमोन।

# आलिया भाट्ट आरो रणबीर सिनि प्रेम काहानीआ थाबैनो जागायसिगोन

गोदान दिल्ली, 4 जुन: सावथुन गली बयजौं दोहो सोमजिहोनाय आलिया भाट्ट आरो रणबीर सिनि जराखौ आरोबाव खनसे नुनो मोनबावसिगोन। करण जहरआ गानवि गुबुन मोनसे रमान्टिक कमेडि सावथुन प्रेम काहानीआव हाबा मावनो जागायबाय। सुलुनि बादब्ला, सावथुनआ थाबैनो फलरआव फेंगोन। बेवहाय आलिया-रणबीरखौ आरोबाव खनसे रमान्टिक खालामनाय नुनो मोनगोन। फोरमायनाय बादब्ला, करणआ बे सावथुननि थांखिखौ गोबां सिगानिफ्रायनो लादौं आरो मे दानआव फलरआव लाबोनो थियारिबो जादौंमोन, कभिड-19 नि जाहोनाव बिथोनगिरि करण जहरआ बेखौ दोन्थ'दौं। आधिखालाव बे रमान्टिक कमेडि सावथुनजौं सोमोन्दो गोनां गोदान खौराडव सोराडव



फैदौं। रिपर्टनि बादब्ला, बानायगिरिआ मोनसे आलादा

रिलिटेड टाइटेल्सखौ नागिरिदौंमोन आरो बे समाव बियो प्रेम

काहानी मुंखौ मोजां मोन्दौं। सावथुनआ आबुडे सानै अपजित फावफोरनि लाभ स्टिर। बेवहाय नायगिरिफोरा गोजाम करण जहरनि एसे नुथायखौ नुनो मोनगोन। मख'नो गोनांदि, सावथुननि थियारिखौ जागायखांबाय। करण आरो बिन राइटिं पार्टनरफोरा स्क्रिप्ट, डाइलग ट्राफ्टखौ लक खालामबाय। बयनिखुइबो सिगां क्रु मेम्बराफोर बेक्सिन थुजागोन आरो बेनि उनिनफ्रायनो गिबि शेड्युलखौ जागायनो थाखाय

सेटआव सौहेगोन। सेट डिजाइनि आरो गुबुन आयदाफोरनि गासैबो हाबाफोरिआ प्रग्रेसआव दड। मिउजिक सेटिंसखौबो जागायखांबाय। बेवहाय नायगिरिफोरा मोजां दॅखौ खोनानो मोनगोन। करण जहरआ आधिकालाव कार्तिक आर्यनखौ गानवि सावथुन दस्ताना 2 निफ्रय एरन्नायनि जाहोनावबो खौरंफोरव सामलोबसारनानै थाबाय थादौं। कार्तिकखौ करणनि उनाव शाहरुखआबो गानवि बेनारनि सावथुननिफ्रय एरनबाय।

## कभिडनि जेंनायाव मदद खालामनो थाखाय आरोबाव खनसे ऋतिक रशनआ आवगायबोदौं

मुम्बाइ, 4 जुन: फावखुंगुर ऋतिक रशनआ बावैसो समाव सावथुन आरो टिभि आर्टिस्ट एस'सिएसननि गानवि लोपो सोद्रोमाफोरजौं मदद होनो थाखाय सोराडव

फैदौं। ऋतिकआ एस'सिएसननो 20 लाख रां दान होदौं आरो निखावरि रेखानि गाहायसिनआव थानाय सुबुंफोरनि थाखाय रेसन किटखौबो जागायनानै

होदौं, जाय 5,000 सोद्रोमाफोरनि थाखाय खामानि होदौं। कभिड-19 नि गिबि दोहौंनि समावबो ऋतिकआ सिआइएनटिएएआव 25 लाख रां दान होनो थाखाय



आवगायबोदौंमोन। जायनि मददजौं 4,000 डेलि वेज आर्टिस्टफोर आरो बिन नख'रनि सुबुंफोरा हेफाजाब मोन्दौंमोन। बेनि सोमोन्दै सिआइएनटिएएनि गाहाय सेक्रेटरि अमित

बहलआ बाथा सावरायनानै फोसावदौं। ऋतिक रशनआ थांनय लकडाउननि समावबो जौंनो मदद होदौंमोन, बियो 25 लाख रां दान होदौंमोन।

## सिबिआइनि स्टाफखौ फर्मेल ड्रेसआवल' नुनो मोनसिगोन

गोदान दिल्ली, 4 जुन: आथिखालाव सिबिआइनि बिबानगिरिफोर एबा स्टाफफोरखौ जीन्स, टि-सार्ट आरो स्पर्टस जुताआव नुनो मोन्या नला। सिबिआइनि गोदान डिरेक्टर सुबध कुमार जयसवालआ बिबान सामलायनाय लोगो लोगोनो डिउटिन समाव बिबानगिरिफोर आरो स्टाफफोरनि थाखाय ड्रेस कडखौ रोखा खालामनानै होबाय। सिबिआइनि गोदान सिफआ बिथोन होदोंदि, एजेन्सिन साफ्रोमबो बिबानगिरिफोर/मावसुमाफोरा मावख'आव थि रोखोमै फर्मेल ड्रेस गान्नांगोन। बियो बुंदोंदि, मावख'आव जिन्स, टि-सार्ट आरो स्पर्टस जुताया सोलिन्या नडा। हौवा बिबानगिरिफोरनि थाखाय बिथोन होनाय जादोंदि,



बिसोरो फर्मेल सार्ट पेन्ट आरो फर्मेल जुताल' गान्नांगोन। बेल' नडा बिसोरो प्रपार सेभिजों लोगोसे मावख'आवबो फेनांगोन। बेराफासँ डिउटिन समाव आइजो अफिसारफोर आरो स्टाफफोरखौ सारि, शूट आरो फर्मेल सार्टखौल' गान्नांगो

होन्नानै बुंदों। सिबिआइ डिरेक्टर सुबध कु मार जयसवालनि गनायथिजों लोगोसे लेडाइ बिथोनगिरि अनुप टी मेथ्युनि गेजेरजों फोसावनाय मोनसे बिथोनआव बेखौ बुंन्याय जादों। बिथोनआव रोखा महरै बेखौबो बुंन्याय जादोंदि, मावख'आव जिन्स,

टि-सार्ट, स्पर्टस जुता, सेन्डेल गान्नानै फेनायनि गनायथि गैला। बिथोनआव हादरनाडै सिबिआइनि गासँबो ब्रासफोरनि गाहायफोरनो बेखौ रोखा खालामनो थाखाय गोखौ बिथोन हरनाय जादों, जाहाथे बे बिथोनखौ गोहोम गोनाडै फालियो।

## बुथारनायनि दायनिगिरि भारतयारि नोगोरारिआ इउएइनि जेलआव दडमोन, एनआरआइआ 1 कौटि रं होनानै रेहाय खालामबाय

आबुधाबी, 4 जुन: इउएइआव 2012 आव मोनसे लामानि जाब्रथायाव सासे सुडाननि हौवासाखौ बुथारनाय दायनिगिरिखौ गुबुन इउज्योनि एम ए इउसुफ आलीआ 1 कौटि रं होनानै बिखौ जेलनिफ्राय उदां खालामो। मख'नो गोनादि, 45 बोसोर बैसोनि बेक्स कृष्णनआ थानाय 2012 नि सेप्टेम्बर दानआव सांग्राथि गैये जानानै कार सालायनानै गथ'फोरनि मोनसे हान्जायाव सौग्राव हेंदोंमोन। बे जाथायाव कृष्णनखौ सुडाननि सासे हौवासाखौ बुथारनायनि दाय मोन्यायनि उनाव इउएइनि सुप्रिम कर्टआ थैनायनि साजा होदोंमोन। बेनि उनिफ्रायनो कृष्णननि नख'र आरो लोगोफोर बिखौ उदां खालामनो नाजाबाय

थादोंमोन। नाथाय बिसोर बेबादि खालामनो हायाखै। मानोना भुगिनांनयनि नख'रआ गावसोरनि हादर सुडानआव थांफिनबायमोन, जायनि जाहोनाव बिसोरनाव निमाहा बिनो थाखाय बुरखायनो हायाखैमोन। बेनि उनाव कृष्णननि नख'रआ लुलु आफादिनि आफादिगिरि इउसुफ आलीजों सोमोन्दो लाखियो, जाय बे केसनि गासै खौरंखौ मोनो हायो आरो गासैबो

सोमोन्दो गोनां सुबुंफोरजों सावरायो। लुलु आफादआ मोनसे बिबुंथियाव फोरमायोदि, भुगिनांनय नख'रआ थानाय 2021 नि जानुवारीआव कृष्णनखौ निमाहा होनो थाखाय थियारि जाबाय। बेनि उनाव इउसुफ आलीआ कृष्णनखौ उदां खालामनो थाखाय बिजिरसालिआव 5 लाख दिरहम(1 कौटि) रं अन्सुथाय होयो। बेनि सोमोन्दे कृष्णनआ मोनसे बिबुंथियाव बुडेदि, बेयो

आंनि थाखाय गोदान जोनोम। मानोना आं बाइजो मुलुगखौ नायनाय आरो उदाडै थानानै थानायनि गासै मिजिफोरखौ नागराबायमोन। आथिखालाव आंनि मोनसेल' गोसो जानाया गावनि नख'रनि सुबुंफोरजों लोगो हमनायनि सिगां इउसुफ आलीजों लोगो हमनाय। बेराफासँ इउसुफ आलीआ कृष्णननो गोजोन खुसियै जिउ खालानो हानायनि हामलायथि होयो।

## करनाजों थैनाय गोथै सह'फोरखौ कर्नाटक सरकारआ जोबथा बिदाइ होबाय

गोदान दिल्ली, 4 जुन: कर्नाटक सरकारआ कभिड-19 इन्फेक्सन जानानै जिउ गोमानाय सुबुंफोरनि गोथै सहखौ सावनाय हाथ'फलाखौ काबेरि दैमायाव फोजावहेंदों। मख'जाथावदि, जायपोरनि गोथै हाथ'फलाखौ नख'रनि रावबो लांफे याखै बिसोरनि हाथ'फलाखौ मान्ड्या जिल्लानि मलबल्ली तहसिलआव बेलाकावाडीनि खाथियाव थानाय काबेरि दैमायाव बेंगालुरुनि सा 1,200 निबो बांसिन गोथै सहफोरनि सावनाय हाथ'फलाखौ कलसआ हिन्दु नेमखांथिजों फोजावहरो। बिजेपिनि मन्थि बि एल सन्तषआ दुइटाव सावगाारि शेयार खालामनानै कर्नाटकनि खाजोनो मन्थि आर अशकनि नाजानायखौ बाख्नायदों। राइज्योआव करना इनपेक्सननि समाव गिबि खेब एसेबां बुरजा गोथै हाथ'फलाखौ फोजावहरो। बुंन्याय जादोंदि, बांसिन गोथै हाथ'फलाया सहरनि बाइजोआव



थानाय बै गोथैसालिनिमोन, जायखौ सरकारआ कभिड-19 जों थैनायनि केसआव गोदाने गोथैसालि बानायदोंमोन। गले- गले खावलायहरनायनि उनावबो थैनायफोरनि नख'रनि रावबो गोथैनि हाथ'फलाखौ लांफेयाखै, जायनि उनाव सरकारआ बेफोरखौ फोजावहरो थंथि लायो। खाजोनो मन्थि आर अशक, मान्ड्या जिल्लानि मन्थि के सि नायन गौडा आरो गागि बिबानगिरिफोरा बेयाव नुजाहैयो आरो फुजारिफोरनि मोनसे हान्जाया गोथै हाथ'फलाफोरखौ फोजावहरनायनि हाबाफारिखौ मावफुडे। अशकआ बुंदों, गंगा दैमाव गोथै सह फोजावहरनाय

## हादतआव करना सन्देरनायनि बिबाडा दावख्लायगासिनो



गोदान दिल्ली, 4 जुन : भारतआव करना भाइरास इनफेक्सननि नैथि दोहौ गोसारनाया दावख्लाय गासिनो। करनानि गोदान गोदान केसआ लान्थियैनो लासै लासै खमायबोनो हमदों। फासँथि इनफेक्सन जानानै थैनायनि अन्जिमायाबो 3,000 नि गाहायाव फेबाय। थानाय 24 घन्टायाव हादतनाडैकरना भाइरासनि 1,32,364 गोदान केस मोन्दों आरो बे समाव सा 2,713 जिउ गोमायो। हादतआव गासै सा 2,85,74,350 सुबुंफोरा करना भाइरास सन्देरनायाव आरो बेनिनो गासै सा 3,40,702 आ थैबाय। बेनि गेजेराव हादतआव करना भेक्सिन थुनायखौबो गोखैसिन खालामनाय जादों। थानाय 24 घन्टायाव 28,75,286 भेक्सिन थुनाय जायो जायखौ लाफानानै हादतआव गासै 22,41,09, 448 भेक्सिन थुखानाय जाबाय। गोदाने देहा फाहामसालिनिफ्राय डिजासर्ज जानाय सा 2,07,071 खौ लाफानानै करनानिफ्राय रैखाथि मोन्ना फाहामसालिनिफ्राय डिजासर्ज जालानाय बेरामिफोरनि अन्जिमाया सा 2,64,97,655 जाहैबाय। सावसि मावख'नि बादिब्ला, रिक्भारिनि हारआ 9.3 जौखोन्दो बारलांबाय। अदेबानि हादतनाडै इनफेक्सन जानानै सा 16,35,993 बेरामिफोरा, फाहामथाय लागासिनो दं। हादतआव करना गोसारनायखौ सामलायनो थाखाय करनानि टेस्टनायनायखौबो गोखौ खालामनाय जादों। थानाय 24 घन्टायाव 20,75,428 नमुनाफोरखौ टेस्ट नायनाय जायो। बेखौ लाफानानै गासै 35,74,33,846 नमुनाफोरखौ टेस्ट नायनाय जाखांबाय। हादतआव पजिटिभ मोन्यायनि हारआ लान्थियै 11 थि सानावबो 10 जौखोन्दोनि गाहायावोनो थादों। बृहस्पतिबाराव पजिटिभनि हारआ 6.38 जौखोन्दो जायो।

## भारतयारि नेभिफोरा कभिडजों दावहा नांनायाव नांथाबनानै दड

गोदान दिल्ली, 4 जानुवारी: अपारेसन समुद्र सेतुनि गेजेरजों भारतयारि सान्थिफोरा कभिड-19 नि हेंथायै हादरनि दावहाखौ मदद खालामगासिनो दड। बेनि गेजेरजों भारतयारि नेभिफोरनि लैथोमायारि जाहाज आइएनएस एरावतआ थानाय बृहस्पतिबाराखालि भियेतनाम आरो सिंगापुरनिफ्राय लिकुइड मेडिकेल अक्सिजेन, अक्सिजेन सिलेन्डर आरो वेन्टिलेटरजों लोगोसे विशाखापत्तनमनो जगायनानै होयो। भारतयारि नेभिफोरा बेनि खौरं होयोदि,



बे जाहाजआ गं 7 क्रायजेनिक अक्सिजेन टैंकफोरनि गेजेराव गं

158 मेट्रिक टन लिकुइड मेडिकेल अक्सिजेन, 2,722

अक्सिजेन सिलेन्डर आरो भियेतनाम आरो सिंगापुरनिफ्राय गं 10 भेन्टिलेटरजों लोगोसे गुबुन करनानि रेहाय होग्रा मुवाफोरजों लोगोसे विशाखापत्तनमआव सौहैयो। मख'नो गोनादि, 10 मेआव

आइएनएस एरावतआ सिंगापुरनिफ्राय गं 8 क्रायजेनिक अक्सिजेन टैंक आरो गासै 4,000 अक्सिजेन सिलेन्डरजों लोगोसे गुबुन मुवा-बेसादफोरा वि शािखापत्तनम आ व सौहैदोंमोन। बेबादिनो 27 मेआव 80 मेट्रिक टनजों लोगोसे कच्चिआव सौहैयो। नेभिफोरा करनानि केसआव बारायनायखौ नोजोर होनानै अक्सिजेन आरो गोनां मुवा-बेसादफोरखौ आबुं खालामनो थाखाय सालायनाय माहारियारि मिसनखौ बारायहोनो थाखाय अपारेसन समुद्र सेतु 11 खौ जागायदोंमोन। बेबादिनो नेभिफोरनि गुबुन हादरफोरनिफ्राय अक्सिजेन लाबोनयनि खामानिया सोलिंगासिनो दड।

## बिबेक अबेरयआ अक्सिजेन रिलिफनि थाखाय 25 लाख रांखौ दान हरदों

गोदान दिल्ली, 4 जुन : फावखुंगुर बिबेक आनान्द अबेरयआ 25 लाख रांखौ करना इनफेक्सनजों भुगिनांनय सुबुंफोरनो हेफाजाब होनायनि महरै दान हरदों। बियो आइएम अक्सिजेन मुनि इनिसेप्टिभन साफर्ट खालामनानै 25 लाख रांनि हेफाजाब होदों। बिबेक आनान्द अबेरयआ बुंदों, जों सानफ्रोमबो मुलुगआ मा थासासिजों भुगिनांदों बेखौ नुदों। करना इनफेक्सननि नैथि दोहौआ अक्सिजेन इनिसेप्टिभन गेजेरजों जों सुबुंफोरखौ हेफाजाब खालामनो नाजादों। जों सिगाडावोनो 200 डेडनि कभिड-19 देहा फाहामसालिखौ दिल्लीआव सालायदों, जाय थानाय माखासे



सप्ताहफोराव 1000 निफ्राय बांसिन सुबुंफोरनि जिउखौ रेखाथि होदों। जौनि थांखिया हादतखौ करना भाइरासनि 3 थि लहर फेनायनि सिगां थियारि खालामनाय। बिबेक अबेरयआ बुंबावदों, आं फिसा फिसौ हेफाजाबखौ हानाय मानि खालामदों। आंनि माखासे लोगोफोराव बेवहाय हेफाजाब होदों। जुदि जों खौसेयै

गसडोब्ला आरो गावजोंगाव हेफाजाब होलायोब्ला जों मोनसे हादतनि महरै गोखों जानानै बारग'गोन। आरएस अक्सिजेन मेन इनिसेप्टिभन दैदेन्याव बिबेकआ निखावरि गथ'फोरनि थाखाय बेसेन नाडै गोसासि सार्जरीबो खालामदों। बियो केन्सार पेसेन्ट एन्ड एस'सियेसनजों लोगोसेबो हाबाफारि मावदों आरो 3000 निखावरि गथ'फोरनि उखैनायखौ सुफुदों, जाय केन्सारजों दावहा नांदों। बिबेक अबेरयआ ससियेल मिडियाआवबो गोबां सांग्राथिये थायो। बियो गावनि सावगाारिफोर आरो भिडियखौ सेयार खालामबाय थायो, जाय गोबां गोखैयै भाइरल जायो।

## राकेश टिकेटआ मदि सरकारनि सायाव दाय जाबसिन्दों



गोदान दिल्ली, 4 जुन: आबाद आइनफोरनि हेंथायै आबादारिफोरनि थुदुर जानाया

दिल्लीनि सिमनाफोराव सोलिदों। बेनि गेजेराव भारतयारि आबादारि इडनियननि दैदनगिरि राकेश टिकेटआ बृहस्पतिबाराखालि दाय जाबसिन्दोंदि, मिरु सरकारआ आबादारिफोरनि सोमावसारनायखौ दिल्लीनि सिमनाफोरनिफ्राय बोखारनानै हारियानानि जौन्दआव ट्रेन्सफार खालामनो गोसो जादों, नाथाय आबादारिफोरा बे खैसार सानायखौ जाफुंसार होनाय नडा। बियो बुंदोंदि, आबादारिपोरा माब्लाबाबो दिल्लीनि सिमनाफोरनि सोमावसारनाय जायगानिफ्राय खारनाय नडा। राकेश टिकेटआ आबादारिफोरनि मोनसे सभायाव बाहागो लानानै खौरांगिरिफोरनि सिगाडाव बुंदों, मिरु

सरकारआ सोमावसारनाय जायगाखौ दिल्लीनि सिमनानिफ्राय हारियानानि जौन्दआव ट्रेन्सफार खालामनो गोसो जादों। नाथाय जों बिसोरनि बे खैसार सानायखौ जाफुंसारहोनाय नडा। जों माब्लाबाबो दिल्लीनि सिमनाफोरनिफ्राय खारनाय नडा। आथिखालाव बियो बुंदोंदि, मोन 3 आबादारि आइनफोरनि हेंथायै हारियानानि टल प्लाजाजों लोगोसे गुबुन जायगाफोराव सोलिनाय आबादारिफोरनि सोमावसारनाया सिगांनि बादिनो सोलिबाय थागोन। बेनि सिगां बियो आबादारिफोरनि सभायाव बाहागो लानानै बुंदोंदि, सोमावसारनाया बै समसिम सोलिगोन जे ब्लासिम आबादारिफोरनि दाबि खालामनाया आबुं जाया। मख'नो गोनादि, आबादारिफोरनि सोमावसारनाया टिकरी, सिन्धु, गाजियाबादिनिफ्राय लानानै दिल्लीनि सिमनानिफ्राय जानाय गासैबो सिमनाफोराव थानाय गोबां सान सिगांनिफ्रायनो सोलिगासिनो दड।

## म्यान्मारआव सान्थि खुंथायनि हेंथायै धर्ना होदों

यांगुन, 4 जुन: थानाय बृहस्पतिबाराखालि म्यान्मारनि आगुनि राजथायनि यांगुनआव गासै सा 400 सुबुंफोरा सुबुंकान्थिखौ मदद होनानै सहरनि लामाफोराव धर्ना खालामो। बे सुबुंफोरा हादरआव सान्थि खुंथायनि हेंथायै लामायाव आंखारबोदोंमोन। मख'नो गोनादि, म्यान्मारआव थानाय 4 दानफोरनि सिगां सान्थिफोरा सुबुंफोर सायख'नाय आं सान सु सरकारनि खुंथायखौ बोखलायदोंमोन। नाथाय सान्थिफोरा दासिमआव



हादरआव सान्थि खुंथाय दानायाव जाफुंसारनो हायाखै। समाजयारि मावसुमा जायर'

ल्विनआ खौरां एजेन्सि रायटरफोरजों सावरायनायाव फोरमायोदि, थानाय

## सुबुंफोरनो बेसेननाडै भेक्सिन थुग्रा केम्प खुलिगोन गौतम गम्भीरआ

गोदान दिल्ली, 4 जुन: भारतीय जनता पार्टीनि एमपि गौतम गम्भीरआ बुंदोदि, बियो सुबुंफोरनो करानाफ्राय रेखाथि खालामनो थाखाय बेसेननाडै बेक्सिन थुनाय केम्प खुलिगोन। गौतम गम्भीरनि फसथानखौ गनायथि गैयालासे फेबिफ्तु मुलिखौ दोशुमनाय आरो बेखौ कभिड-19 बेरामिफोरनो रानानै होनायनि दायनिगिरि महरै दिल्ली हाइकर्टआव गनायथिनायनि उनाव बियो बे फिन्नायखौ होदो। बेनि सिगां सानआव गम्भीरआ दुइटाव उदासि सान्धि हान्जानि सान्धि भगत सिंखौ बिदिन्धि होनाइ लिरदोदि, आं सासे सुबुं आरो सुबुंथिखौ गोहोम खोखौग्रा



मुचाफोरा आंखौ गोहोम खोखौग्रा-सरदार भगत सिं। गुबुन मोनसे दुइटाव बियो बुडोदि, गाव गौतम गम्भीर फाउन्डेसन फाहामसालिफोरनो लोगो नानानै बेसेननाडै भेक्सिन थुग्रा केम्प खुलिगोन नागिरदो। दिल्ली हाइकर्टआ बुंदोदि,

बिजेपि एमपिआ बान्जायजाथाव हाबा मावदो नाथाय बेजो मुलिआ खम जादो आरो सुबुंफोरा जेनाजो मोगा-मोगि जानादो। दिल्लीयाव बृहस्पतिवारखालि करानि 487 गोदान केस मोन्दो आरो सा 45 जिड गोमायो। वे अन्जिमाया

थानाय नै खावसे दाननि गेजेराव इन्फेक्सननि सानसेयाव गोदान केस मोनायनि बयनिखुइबो खमसिन अन्जिमा। दिल्लीयाव इनफेक्सननि हारआ 0.61 जौखोन्दोआव फे बाय। दिल्लीनि देहा बिफानआ मोनसे बुलेटिन फोसावनानै बेखौ मिथिहोदो। बेरफासे दिल्लीयाव गिबि खेब सानसे आव थैनायनि अन्जिमाया सा 50 नि गाहायाव थादो। थानाय 11 एप्रिलखालि सा 48 करानाजो थैनायनि उनाव 2 जुनआवसो बेनिखुइ खमसिन सा 45 थैनाया थिसनजादो। दिल्लीयाव करानाजो थैनाया गासै सा 24,447 सिम जाहैबाय।

## फ्रान्स अपेन 2021 नि थामथि राउन्डआव जायगा आवग्रिनो हानायजो राफेल नाडालआ 35 थि जोनोम सान फालिदो

पेरिस, 4 जुन: डिफेन्डि सेम्पियन राफेल नाडालआ रावबो गैये निजोम जानाय सेन्टर कर्टआव गावनि मोजां मोनाय हेंथा बादायारि रिचार्ड गास्केटखौ थोजो सेटआव फेजेनानै फ्रान्स अपेन टेनिस टुरनिमेन्टनि थामथि राउन्डआव जायगा आवग्रिनो हानायजो गावनि 35 थि जोनोम सान फालिदो। नाडालआ गास्केटखौ 6-0, 7-5, 6-2 नि फारागथियाव फेजेनो हायो आरो फ्रान्सनि गेलेगिरिनि हेंथायाव 17-0 नि रेकर्ड लाखिनो हायो। गास्केटआ 2008 नि उननिफ्रायनो थानाय खेब 12 मेचफोराव नाडालनि हेंथायै खेबसेबो सेटआवनो



देरहानो हायाखै। फ्रान्स अपेनआव खेब 13 सेम्पियन जानो हानाय नाडालआ गिबि सेटनि बादायनायाव 24 मिनिटआवनो देरहानो हायो। नाडालआ बुंदो, आं मोजाडे

गेलेनानै दिन्धिफुनो हादो। नाथाय रिचार्डआवो गात्रि गेलेयाखै। गास्केटआ नैथि सेटआव 5-2 पइन्टनि फारागथियाव उन जादोमोनब्लाबो उनाव 5-5 जो

समान खालामनो हायो, नाथाय 12 थि गेमआव जेन्दोमोन। नाथाय थामथि सेटआव नैथि मेच पइन्टआव देरहानो हायो आरो अपेन बादायनायाव सोरबा सासे गेलेगिरिनि हेंथायै 17-0 नि रेकर्ड खालामनो हानाय बाथि गेलेगिरि जानो हायो। मख'नो गोनादि, बिथाडा सिगाडवनो बर्ण बर्ग, नभाक जकभिच, रजार फेडेरार आरो आइवान लेन्डलआ बे थाखोनि रेकर्ड लाखिदो। गोखो गेलेगिरि जकभिच आरो फेडेरारआ सिगांनो थामथि राउन्डआव जायगा आवग्रिनो हादो।

## फ्रेन्स अपेननि थामथि बादायलायनायाव नबाक जकबिच आरो रजार फेडरारआ जायगा आवग्रिनो हादो

पेरिस, 4 जुन: वर्ल्ड नम्बर 1 टेनिस गेलेगिरि नबाक जकबिचआ फ्रेन्स अपेन टेनिस ग्रेन्डस्लेमनि हौवा थाखोनि बादायलायनायाव बाब्ल' कुबासखौ फेजेनानै थामथि बादायलायनायाव जायगा आवग्रिनो हादो, जेराव सुइजारलेन्डनि रजार फेडरारयाबो नैथि बादायलायनायखौ देरहानो हादो। सर्बियानि गोजो थाखोनि गेलेगिरि जकबिचआ नैथि बादायलायनायाव उरुवेनि पाब्लखौ 6-3, 6-2, 6-4 जो फेजेन्दो। 20 खेबनि ग्रेन्डस्लेमनि देरहागिरि



फेडरारआ मारिन सिलिकखौ जेनयो अब्ला सेयार आम्पायारजो दान्थे-बिदान्थे जादोमोन। लासै लासै जायगा आवग्रिनो हादो। फेडरारआ जेब्ला नैथि सेटयाव

जेनयो अब्ला सेयार आम्पायारजो दान्थे-बिदान्थे जादोमोन। लासै लासै गेलेनायखौ लानानै सेयार आम्पायार फेडरारनो सांग्रानि

होदो। बेनि उनाव फेडरारआ सेयार आम्पायारजो दान्थे-बिदान्थे खालामो बे आयदानि सायाव सिलिकनाव बेनि सुबुनखौबो सोडो। फेडरारआ सिलिकनाव सोथि सोदोदि मा आं लासै गेलेदो नामा? बेनि सायाव सिलिकनाव फिन होनाइ बुडो नौथाडा लासै गेलेदो। फेडरारआ कराना नेमखान्थि जाहोनाव गावनि थावेलखौ

खनले-खनले लानो थाखाय आम्पायार आरो सिलिकनजो बाश्रा रायज्जायो आरो बुडोदि, बिसोरो गावखौ जेनायाव खोखलैदो। बियो बुंदो गाव नेमखान्थिखौ मोजाडे मोनथिगो आं थावेलखौ लानो थाखाय मोनसे खानिफ्राय गुबुन मोनसे खानयाव थादो। आं बेबादिखौ ओरो नो खालामफलायाखै।

गोदान दिल्ली, 4 जुन: भारतआरि क्रिकेट टीमनि आगु केप्टेन एमएस धनीआ 15 आगस्ट 2020 आव हरखाबै क्रिकेट गेलेमुनिफ्राय आजिरा लानो फोसावनाया क्रिकेट अन्सायगिरिफोरनि गोसोआव गोमोनाय लाबोदोमोन। धनीआ मेचनिफ्राय आजिरा लायालासे थामहिनबा जोबथा बिदाइ लायाजासे गेलेमुनिफ्राय जानार जाबाय। 39 बोसोर बैसोनि बारा'केप्टेनआ गावनि आजिरा लानायनि सोमोन्दे अन्सायगिरिफोरनिफिसिम इनस्टाग्रामआव मोनसे थिडिअ हगारनानै फोरमायदोमोन। आथिखालाव आइपिएलनिफ्राय आजिरा लानायनि बाश्राया सोराडव फेदो। नाथाय चेन्नाइ सुपर किंग्सआव गावजो लोगोसे गेलेफनाय रितुरज गायकबारआ



फोरमायनाय बादिब्ला, बिथाडा मा थांखि लागोन बेनि सोमोन्दे मिथिनो मोना। रितुरज गायकबारआ हारिमायारि क्रिकेटनिफ्राय आजिरा लानाय समनि सोमोन्दे फोरमायदोदि, चेन्नाइआव धनीजो लोगोसे सा 10-15 सो गेलेगिरिफोर ट्रेनि लादोमोन। नाथाय रावबो

गेलेगिरिफोरनो आजिर लानायनि सोमोन्दे मिथियामोन। मानोना बिथाडा 15 आगस्ट 2020 आव गुबुन सानफोरनि बादिसो हुदा खालामदोमोन। इन्टरनेट मिडियानि गेजेरजोसो सिस्फेकनि गोखो गेलेगिरिफोरा धनीनि आजिरा लानायनि सोमोन्दे मिथिनो मोन्दो।

## फ्रेन्स अपेननि प्रि-क्वार्टर फाइनालाव बपन्ना आरो कुगरनि जराया जायगा आवग्रिनो हादो



पेरिस, 4 जुन: भारतनि आखा-फाखा टेनिस गेलेगिरि रहन बपन्ना आरो क्रएसियानि बिनि जरा फ्रेन्क कुगरनि जराआ फ्रान्सिस तियाफ आरो निकलास मनरनि आमेरिकानि जराखौ थोजो सेटआव फेजेनानै फ्रेन्स अपेननि हौवा डाबल्सनि प्रि-क्वार्टर फाइनालाव जायगा

बानायदो। बपन्ना आरो कुगरनि जराया 1 घन्टा 20 मिनिट सोलिबाय थानाय नैथि बादायलायनायाव आमेरिकानि जराखौ 6-4, 7-5 जो फेजेन्दो। मुलुगनि 40 थि नम्बरनि गेलेगिरि बपन्नानो फ्रेन्स अपेननि पइन्टआ गोनांथार जादो। मानोना गावनि रें किं खौ

सुस्रानायनो बेनो जोबथा खाबु जागोन। टकिय अलिम्पिकयाव मेच गेलेनो थाखाय 10 जुननि रें किंआ गोनांथार जागोन। आथिखालाव दिबिज शरणआ गिबि बादायलायनायाव जेन्नायजो लोगोसे गावनि रें किंखौ सुस्रानायनि खाबुखौ खोमानादो। अलिम्पिकयाव मेच गेलेनो थाखाय बपन्ना आरो दिबिजनि जुथाय रें किंनि सायाव सावरायलायनाय जागोन। खम रें किंजो बिसोरनि अलिम्पिकनि थाखाय क्वालिफाइ जानो आसा खालामनाया फेलै जानो हागो। दासिमाव भारतीय गेलेगिरिफोरनि गेजेराव आइजो डाबलसयाव सानिया मिर्जानि जायगायाल' रोखा जादो। बिनि जराआ अंकित रैनाजो जानो हागो।

## कातारआ भारतीय टीमखौ फेजेन्दो



गोदान दिल्ली, 4 जुन: दहानि जसिम बिम हमद स्टेडियामाव जानाय 2022 फीफा वर्ल्ड काप आरो 2023 एएफसि एसियाण कापनि जुथाय क्वालिफायार मेचआव भारतआव कातारनि आखायाव 0-1 जो जेनादो। मेचनि गिबि हाफयाव भारतनि राहुल भेकेनो 17 मिनिटयाव रेड कार्ड होनाय जादो, जायनि जाहोनाव फुरा मेचयाव भारतीय फुटबल टीमआ सा 10 गेलेगिरिफोरजोने गेलेनादो। बेनि उनाव कातारनिफ्राय 33 मिनिटआव आबुल अजिज हातेमआ गल सोनानै गावनि टीमखौ 1-0 जो आबगय होयो। जायनि उनाव नैथि हाफयावबो सुनिल सेत्रीनि दैदेनाय भारतीय टीमआ गल सोनो हायाखै आरो जोबथायाव जेनो गोनां जादो। मख'नो गोनांदि फिफा वर्ल्ड काप क्वालिफायारनि बादायलायनायाव गिबियावनो बायजोयाव थानानाय भारतीय टीमआ गुप इ याव 6 था मेचफोराव मोन 3 डू आरो 3 खेब जेनायजो लोगोसे 6 पइन्ट लानानै 4 थि थाखोआव थादो, जेराव 7 था मेचफोराव 19 पइन्ट लानानै कातारआ गिबि थाखोआव थादो।

## डबन कानवेनि डाबल सेन्सुरिनि उनाव रुट-बानार्सआ जथायै इलेन्डनि टीमखौ गोखोडव लाखिदो

लन्दन, 4 जुन: इलेन्ड आरो निउजिलेन्डनि गेजेराव जानाय मोनै मेच सिरिजनि गिबि टेस्ट सिरिजनि बादायनाया लर्डस फोथाराव खुंजागसिनो द। मेचनि नैथि साननि मेचआ जोबनायसिमाव इलेन्डआ सानै उडकेटजो 111 रान खालामनो हायो। 18 रान खालामनो हानायसिमावनो इलेन्डनि टीमनिफ्राय सानै उडकेट जाना फेयो अब्लाबो ज'बानार्स आरो केप्टेन ज'रुटआ लोगोसेयै टीमखौ मेचआव फिन गोहो लाबोयो। बानार्सआ 59 आरो रुटआ 42 रान खालामनो हानायजो टीमआव फिन गोहो



लाबोनो हादो। निउजिलेन्डआ बिनि सिगां डेबिड गेलेगिरि डेबन कानवेनि गोखो दिन्धिफुनो हानायजो 378 रान खालामनो हायो। कानवेआ 200

रान खालामनो हानायजो आउट जायो। बिथाडा 347 बलाव 22 खेब 4 आरो खेबसे 6 रान खालामनो हायो। बिथाडा खेबसे 6 रान रान खालामनो हानायजो डाबल सेन्सुरि रान लानो हायो। इलेन्डआ बेनि फिन्नायाव 18 रानसिमावनो गोखो गेलेगिरि डम सिबले (00) आरो जेक क्राउले (02) खौ विकेट टाव खोमानाडो। जायनि उनाव बानार्स आरो रुटआ थामथि विकेट महयाव 93 रान लाखिनो हानायजो टीमाव फिन गोहो लाबोयो। इलेन्डनि टीमआ दासिमावबो निउजिलेन्डनिफ्राय 267 राननि उन जाना द।

## फिफा वर्ल्ड काप 2022 नि थाखाय कातारयाव थियारि खालामनाया समनि सिमांआ जादो

सेन्ट पीटर्सबर्ग, 4 जुन: फिफा वर्ल्ड काप 2022खौ कातारयाव खुंनाय जागोन। दुनामेन्ट भेन्नु आरो दैदेनग्रा हादतनि बिथांखि आरो सामलायनायनि सायाव सावरायलायनायनि बिबानखौ लानाय डि लिभारि एन्ड लिगेसी गोजो थाखोनि

समितिति बिथोनगिरि फातमा अल नुआमीआ बुंदो, कातारयाव 2022 फिफा वर्ल्ड कापनि थियारिफोरखौ समनि सिगां बानायनाय जादो। बियो बुंदो वर्ल्ड कापआ जागाय जेन्नायनि सिगां गासिबो गुदि बिथाखौ मोजाडै थियारि खालामनाय



जाबाय। अल नुआमीया मोनसे बिबुथियाव बुंदोदि, 95 जौखोन्दो गुदि बिथाया थियारि जाबाय। गं 8 था गोदानै बानायनाय स्टेडियामफोरनि गेजेराव गं 4 स्टेडियामआ जोनाव द आरो गुबुन गं 4 स्टेडियामफोरनि गेजेराव गं

3 स्टेडियामखौ बानायनाय हाबाया आबुं जाबाय। बिथांनि बादिब्ला, वर्ल्ड कापखौ दैदेनग्रा गुबुन हादतफोरनि गेजेरजो बे समाव जौगाखानायखौ रुजुनायाव कातारआ सेडयुलनि सिगां थियारिखौ आबुं खालामबाय। बियो

बुंदो 2022 नि जागायजेन्नाय सिमाव गासिबो स्टेडियामफोरखौ बेखेवनाय जागोन। मख'नो गोनांदि, फिफा वर्ल्ड काप 2022 खौ कातारआव 22 नभेम्बरनिफ्राय 18 डिसेम्बर 2022 सिम खुंनाय जागोन।